

LE
POLITIQUE
FRANÇOIS.

POUR REPRIMER LA
fureur au Pseudo-pacifique, ou
Censeur François.

DEDIE A TRES-HAUT
& puissant SEIGNEUR, Messire Ma-
ximilian de Bethune, Marquis de Ros-
ny, Capitaine de cent hommes d'armes,
Grand Maistre de l'Artillerie, & Sur-
intendant des finances de France, Gou-
verneur & Lieutenant pour sa Maesté
en Poictou.

M. DC. V.

Handwritten text at the top of the page, possibly a title or header.

Handwritten text in the upper middle section.

Main body of handwritten text, consisting of several lines.

Handwritten text in the lower middle section.

Handwritten text at the bottom of the page, possibly a signature or footer.



A MONSEIGNEUR,
MOMSEIGNEUR, Messire Ma-
ximilian de Bethune, Marquis de
Rosny, Capitaine de cent hommes
d'armes, Grand Maistre de l'Artille-
rie, & Sur-intendant des Finances
de France, Gouverneur & Lieute-
nant pour sa Majesté en Poitou.

MONSEIGNEUR,
Le Satyre, qui se brusla la barbe
dans les temeraires embrase-
mens du feu dont il estoit amoureux, a four-
ni d'une mystérieuse esquierre pour contre-
rooler l'ambition d'un million d'Icaves, qui
emplumans l'aïsse de leurs proiets dans la
cire d'une louche vanité, n'eussent peu qua-
lifier leur ruine, qu'en la gloire d'une auda-
cieuse entreprise, & ceste premiere imagi-
nation conçue en l'obiet de vostre grâdeur,
assaillant à la chaude une ame honteuse, m'a
fait aussi tost meurtrier, que pere de mil, &
& mil conceptions formées au moule du de-

noir: Toutesfois ceste Hydre renaissante de
mes saintes resolutions, renforçant ses ais-
les de l'argille de son humilité, aux apro-
ches du bel astre de vostre fortune, s'endur-
cit & devient le plus ferme, là où Icare a-
vec ses aisles fondues pourroit faire, encore
vn autre naufrage, se promettant que si les
Romains qui adorans leurs Dieux se tour-
noient vers le Soleil leuant, faisoient cela
bien à propos, sa plume aussi regardant l'O-
rient eternal de vos perfections, comme l'ai-
guille son Nord, pourroit prosterner aux
pieds d'un grand Prince, la sincerité de son
obeissance, & si vous ne luy refusez point
l'esclat de vostre Soleil, faire voir au public
qu'un SOLDAT plein de rodomontades,
& un sourcilleux CENSEUR, ennemis de
nostre repos, comme ils veulent faire voler
les esclats de leur mine par l'infamie publi-
que, eussent mieux fait si coupables de leur
indiscretion, comme les Oyes, dont parle
Plutarque, passant sur le Taurus des loüan-
ges d'un Prince, mettant le doigt d'Harpo-
crates en la bouche, ils se fussent teus, peut
estre qu'un autre en dira autant de moy,
mais si la Requeste de Momus auoit esté res-
pödue au Bureau de la nature, & que quel-

qu'un peust voir l'embrion de mon intention, que l'ingratitude d'un esprit incapable ne peut communiquer à la langue, il tesmoigneroit que comme ce mien **POLITIQUE** qui veut voir la lumière sous vostre aile, n'est que la mesme simplicité d'une ame bien zeleé, cy apres aussi tout ce que ma plume esbauchera d'un traict plus rude, attendra pour sa perfection le dernier crayon de vostre faueur, laquelle m'estant departie d'une honneste liberalité consacrée à vostre deuotion, ie demeureray le reste de mes iours.

MONSEIGNEUR,

Vostre tres-humble, tres-obeissant,
& tres-obligé seruiteur.

B. D. N.

A. iij

EPISTRE A V X
FRANÇOIS.

FRANÇOIS, n'espere pas
voir icy vne plume apostat-
tee de son deuoir, tracer ses
premiers traicts sur vn in-
fame Atheisme, & si tu as l'ame & la
main polluë du sang de ton frere, gar-
de toy bien de toucher ces Sainctes
Reliques que ie veux sacrer sus l'Autel
de la Foy, comme ie ne demande que
sa conseruation. Que si aussi tu t'es la-
uë dans l'eau viue des larmes ruisselan-
tes de ton triste pays, souuiens toy de
ce que tu as veu, lors que t'õ ame eny-
uree des entousiasmes d'une sanglante
Enyo, n'estoit qu'un temple de fureur,
& la carriere des Bacchanales de ta ra-
ge. Non ie me mesprends mon pays, ie
veux coter le temps que la sedition &
la mutinerie ont esté en quartier. Mais
ce SOLDAT, serf de ses iniques passions.
(ie ne l'appelleray iamais FRANÇOIS)
que ie voy forcener de rage, en ceste
fougue me fait souuenir des Menades,
& craignant pour l'Orphee de nostre

France, iene trouue point qu'il puisse
voïer vn plus salutaire voyage, qu'en
Anticyre. On dit que le triple Chien
trainé du bord d'Acheron, fist foison-
ner vne moisson d'Aconites, & que
Pandore curieusement sorte, nous fit
voir à son arriuee vn nouueau exerci-
ce de desastres. Mais ce SOLDAT qua-
triesme furie, esprit de sedition, partia-
liste de nostre ruine, portant le tison de
ses vanitez dans le salpestre de plu-
sieurs ames coterisees, eust fait bris, si
le destin de ses conseils n'eust esté filé
auec celuy des enfans du Serpent Cad-
mean, & que le tombeau de la cause
n'eust deu seruir de sepulture à son ef-
fect.

Et de vray ceste ruineuse machine de
ses legers proiets, my-croulee en bas
par sa diuision, à la premiere batterie
d'vn PACIFIQUE ANTISOLDAT,
sembloit ne respirer plus qu'un fune-
reux cercueil, & proye de son destin se
rampoir en la mesme obscurité qu'il
auoit pris naissance, assez fort pour de-
uenir Oedipe, si vne premiere meta-
morphose n'eust changé l'aigreur de

la Iustice d'un Roy en vne douce clemence.

Mais vn sourcilleux CENSEVR, qui chauffant nostre ambition à plus de poincts, s'est laissé emporter à l'aveuglement d'un passionné, a remis l'huile, & le bois au feu, que l'on venoit destaindre, apposant vn priuilege de la Majesté au dos de sa censure, a rendu nostre repart craintif en l'infamie d'une ignominieuse attaque, & bridât du respect nostre loüable desir, au silence commun de tous les François, veut faire esclorre à sa plume, ce que l'espee du SOLDAT n'auoit osé remuer, en somme assez effronté arbitre, s'il n'eust esté recusable en sa passion.

Je sçay que ce Messerre chauffant les lunettes de la raison (ainsi m'a-il appris) ne trouuera pas estrange sa recusation, si lisant que l'archer d'Esopé n'auisoit le serpent à ses pieds, lors qu'il tenoit en mire son oyseau, il a voulu retenir pour son instruction, que les doublons d'Espagne, qui arrestent son œil & ses auares proiects, l'ont aveuglé en son erreur, pendât qu'il décoche les

traicts de sa médifance sus vn Paci-
que, & que les esprits enyurez d'une
forcieure imagination, n'ont peu voir
auec quelle modestie on effuyoit le fu-
rieux choc de ce torrét. Il est vray que
ce premier Stratageme, monstre bien
que desormais à la Renarde, ils ourdi-
ront leurs conseils, ils ont veu que l'es-
pee du Soldat Bearnois, estoit trop
courte pour attaindre tous les ama-
teurs de la paix, que le rampart des loix
leur prestoit vn sur Asile ils se sont ac-
commodés au temps, vn Censeur a pris
la parole, s'estoit pour mieux faire
coup fourré, ne reste pl^{us} que quelqu'un
du Clergé & vn Roy en chimere pour
tenir de beaux estats, & puis Dieu scait
quels Edicts, combien de récontres a-
uec l'Espagnol, & tout en papier.

Pauvre France, ie tremble pour toy,
si l'Anatheme des Bandoliers doit por-
ter coup sus la teste de tes Pacifiques: si
tu sauoures plus long temps les Acco-
mites en guise de Nectar, si en tes vani-
tez tu ne cesses de te flatter pour te fai-
re rire: Si trop credule tu admets les ca-
lônies que la perfidie dégorge sur l'in-

nocence de ceux qui cherissent ton repos: si ingrate à toy-mesme tu fais litie-
re des bons aduertissemens pour nous
entrauer en vn chaos de miseres. Il y a
d'autres moyens de guarison, si ce grād
corps d'Estat vicié d'humeurs trop se-
dicieuses ne peust recouurer santé, que
par vne saignée, à que faire yra-on cher-
cher chez l'estranger la Chirurgie,
que nous pouuons à meilleur marché
trouuer à mōsaucon. Quoy pour nous
deffaire d'un tel tas de volleurs, & ap-
pliquer le cautere à ceste partie enflā-
mee, où l'on n'en veut qu'à la bourse,
deuons nous chauffer les fers en Es-
pagne? Pardonne moy si ie le di, ce se-
roit trop hazarder le paquet, & cher-
cher la guarison d'un petit mal dās les
simptômes d'une triste maladie.

Ce n'est point la peur qui parle par
moy, l'on ne l'a iamais veüe au cabinet
de Minerue, c'est le hazard des armes
qui me fait craindre: si tu tiēs la victoi-
re asseuree, allons ensemble, SOLDAT,
pourueu qu'il n'y aille que de nos deux
vies, i'affronteray l'ennemy commun,
il est vray que le CENSEVR est trop ge-

nerceux pour nous laisser partager ceste gloire, ie crains qu'il ne vueille estre troisieme Philene: Mais baste il y a assez de gloire & d'affaire pour trois. He, vous tremblez pris au mot, vous auez d'autres pelotons à deuider.

HENRY IIII. vous tire à la cappe, qui ne veut ny la guerre auec ses voisins, ny la paix auec vous.


Accepte ma P A T R I E, ce pieux office d'une ame bien zelee, & si mon ennemy m'accuse d'Espagnoliser, oppose à ses calomnies mon aage & ma fidelité, qui ne gauchiray iamais au deuoir d'un bon Citoyen en mes escrits, comme ie veux mourir pour la conseruation de ton repos.

A vj

Al'Auteur du POLITIQUE.

S O N N E T.

V N Soldat piafant, tout bouffi de bra-
nades,
Trop grand entrepreneur, & trop sedi-
tieux,
Pour escheler le Ciel, comme vn audacieux,
Accumuloit les monts de ses Rodomonta-
des.
Mais la Fille du Ciel, & ses Sainctes bri-
gades
Accablent ce Typhœ geant ambitieux,
Et dans le plus profond du Fleuve fligieux,
Plongent ces faux discours, mal rangez, &
trop fades.
C'est toy mon braue Autheur, par qui il
est dompté,
Tu as ieune Phœbus, ce Python surmonté,
Qui s'estoit animé aux deluges humides
De nostre pauvre France, & qui vouloit
afreux,
Infecter son bel air du poison vengneux,
Dont il s'estoit nourri entre les Eume-
nides.



AD EVNDEM.

Militis Insanos dum fert incauta tumultus


Gallia, marte suo iam peritura ruuit.

Sed vetat hoc cœli quæ fides, saccrataque pacis

Fœdera, mactata nunc bene tuta suer.

*Gradimo inuito florescent lilia sacra,
Et Regni, & Regis, pax erit vna salus.*

I. H.



LE
P O L I T I Q V E

FRANCOIS DV SIEVR.

D. B. D. N.



Es Philosophes tiennent,
Que le meſlange des cho-
ſes fait vn bon temperemēt,
& que les vertus Militaires
meſlees avec les Politiques donnent
forme à la gloire d'un grand perſonna-
ge: Comme Plutarque dit, que de la
vertu deſtrempée avec la Fortune, Dieu
tira vne quinteſſence, pour donner vn
ferme ſoubasſement à ce grand Empi-
re Romain. Et de vray ce braue Augu-
ſte, qui a fermé les portes de Ianus, auſſi
courageux aux rencontres Martiales,
qu'il eſtoit aduiſé en l'adminiſtration
d'un eſtat paiſible, n'eut en rien dege-
neré de Hercules, voſtre deuancier,
M O N R O Y, ſinon que ceſt Atropos de
monſtres, qui a preſté l'eſpaule au Ciel,

pour soulager l'ayeul maternel de mer-
cure, auançoit tellement le destin à ces
ennemis de l'homme, que forçant la
paresse des tardifues filandieres, en vne
querelle publique, il obligeoit sa teste
seule au hazard, & combattoit telle-
ment le Lyon nemean armé de sa mas-
se, que proye d'une douce paix, il tiroit
vn autre monde d'hommes enchainez
par les charmes d'une harmonieuse
voix: en l'orne iamaïs moins en guerre,
que lors qu'il combattoit, comme il ne
vainquoit point qu'au repos des siens.

Vous, MON PRINCE, en qui pro-
uignent les perfections de ce saint He-
ros, vray Alcide de nom, & d'effect, s'il
en fut iamaïs, & de qui le masse coura-
ge, a plustost enfanté, que conçu vn
acte genereux. Vous (dis-ie) MON
PRINCE, dont la loüable vie entre-
lassée de diuerses vertus, ressemble à ce
labyrinthe de Candie, d'où on ne pou-
uoit se retirer, tant il auoit d'entrees &
de sorties qui guidoient à vn erreur,
pardonnez moy si ie veux m'enlacer
d'une porte de vos perfections, i'entre
en l'autre, & de ceste-cy en la troisièf-

me: Non ie ne vois plus à vne seule,
 mais ie m'enfourne en vn milion. Ie
 veux dire, que vous estes, si grād, si bon,
 & magnanime, que le Ciel, & le destin,
 semblent auoir entree en escot pour
 acomplir, & que ce cinquiesme élemēt
 de vostre gloire, suruenu en la mutine-
 rie d'un effroyable Chaos, a rafermy le
 bransle d'un estat ruineux: en vn mot
 que si on vouloit avec la plume des
 Muses, faire parler vostre espee sur le
 papier mourant, il faudroit, que vous,
 ou la vertu luy donnassiez le fil.

Mais comme, apres que le bon Aëole
 a mis en ses basses fosses le Thracien
 Boree, & que Zephire eschape de sa
 geole, bigarre nos campagnes de di-
 uerses fleurs, on void vne troupe de
 Nymphes sur le bord d'une fontaine,
 dont l'eau bruyante va bordant les co-
 stez, de quelque beau Tépé, vne loüier
 le narcisse, l'autre admirer la rose, la
 troisieme se plaie à la violette, & ain-
 si chacune, selon l'obiet de son idola-
 tre imagination. De mesme l'un loüe-
 ra vos grands coups de foudre, **GVER-
 RIER INVINCIBLE**, lors que à la

reste de vostre armee, tout bouillant de courage l'on vous a veu porter l'estoc, & la peur, dans le sein de vostre ennemy. Et comme ce vaillant Crastinus, allant fondre sur l'armee de Pompee, avecvne troupe degés d'eslite: *Je feray, dit-il, mon Capitaine que tu me remerciaras vis ou mort.*

Aussi lors que l'œil des François, vous a veu approcher si courageusement de l'ennemy, & vous attacher aux plus vaillans, en mesme temps la France a signé de son sang l'obligation, qu'elle auoit à vostre valeur. Excellente matiere, & qui peut donner perfection à sa forme, s'il y auoit vn esprit aussi capable de vous louer, que vous estes prompt à executer.

L'autre louera vostre prudence, de ce que suyuant ce beau dire qu'il n'est pas moins loüable, de brider ses passions, que faire tourner le dos à l'ennemy, vous avez peu moderer au plus fort du carnage, l'insolence du Soldat vainqueur & leurrer l'animosité de vos ennemis, avec les doux appas de vostre bonté. Si vous sçaez vaincre,

vous sçauiez bien en vsfer. Quelques
fois la mercy d'un grand Prince, est la
Nicociane d'un dangereux mal. Sous
le regne de Charles VI. le Comte de
Flandres, beau-pere de Philippe le Har-
dy, Duc de Bourgongne, apres auoir
mis au fil de l'espee, vne trouppes de
Gantois cōduits par leur Tribun Lau-
nay, alla planter le siege, deuant la mu-
raille de Gant, & rabroüia tellement ce
pauvre peuple repentant, qui faisoit
ouuerture d'une bonne paix, que mi-
serables, & poussez de desespoir, en un
danger si voisin, ils mettent aux chāps
six mil hommes sous la conduite de
Arteuelle, qui brassa si accortement la
biere, qu'estant venu aux mains avec
l'armee du Comte, il passa par sus levē-
tre à toute son infanterie, & l'ayant
suiuy pesse messe, dans Bruges, le con-
traignit quitter son Chasteau, & caché
dans la paille d'un lit, voir cet orage en
son premier feu, tōber sur ses subiets:
Exemple qui nous monstre, en grand,
& petit volume qu'un prince ne doit
pas tousiours estre furieux, comme
Cotys Roy de Thrace, ny sanguinaire

comme Sylla, & que l'Espagnol laisse aller bagues sauues à la reddition de Paris, donna vn grãd eschec à la rage de plusieurs ames coterisees, qui ne vouloient pescher qu'en nos grabuges.

Et si les vertus, cōme disent les Philosophes, sont enchainees, tellement que la temperance nous porte aisemēt à la prudence, la prudence à la vaillance, & la vaillāce à la iustice, permettez MON PRINCE, qu'en ce sacré mélange de mil perfections, que le Ciel vous a prodigué, ie vous chante assis en vostre lit de Iustice, & que comme les autres vous ont veu flamboyer sous le hazarnois, la coutelace au poing, vous ont veu tout couuert de poussiere, & de sang, tout chargé de despoüilles de-formais nous vous puissiōs voir, comme vn pontife de Themis.

Pardonnez moy, MON ROY, si ce saint zele me rend vn Icare. Auguste Cæsar, ce mignon de la Fortune, s'offençoit, si quelqu'un escriuoit ses loüanges, qu'il n'en fut capable. Alexandre le Grand, ne voulut qu'autre peintre, qu'Apelles l'osast tirer. Tour-

nez les yeux sur le mesme, ce ne sont
 que pleurs, lors qu'il aprouche du tom-
 beau d'Archilles : *Bien-heureux Heros,*
 ce dit-il, *qui as trouué vn si excellent chan-*
tre de tes hauts faits qu'Homere. Ciel in-
 grat, ingrattes destinees, iusques à quād
 porterez vous enuie au bien des mor-
 tels, puis que vous faisiez esclater en
 vn Prince, ce brillant rayon de vertu,
 que ne nous faisiez vous naistre vn
 chantre, qui plus mignardement qu'A-
 pollon, plus grauement que Line, plus
 fluidement que Pindare, plus docte-
 ment qu'Homere, peust entonner sus
 sa lyre les loüanges d'vn si grand Mo-
 narque. Achilles doncques & Vlisse
 auront leur Homere, Ænee aura son
 Virgile, les Capitaines Romains leur
 Tite Liue, & le plus grand Monarque
 du mōde qui ne doit point de retour
 à pas vn de tous ses gens, sera cōme bu-
 firis dans Virgile, *illauaatus*, c'est à dire,
 sans loüange, & sans chantre.

Ainsi peut estre croiois-tu qu'il en
 aduiendroit, Curtius, lors que tout ar-
 mé, pour le salut de ton pays sacrifiant
 sa vie, comme vne offrande à Pluton,

tu t'eslanças dans vn gouffre. Ainsi peut estre le crois-tu lyonne Atheniëne, lors que tu aymoïs mieux voir tirer tes membres à lambeaux que descourir au Tyran, ton Harmodie, & ton Aristogiton: en cela non moins lyonne de courage, que de nom. Ainsi le crois-tu, brave Cōsul, qui voulus mourir, pour laisser la victoire à tes citoyës. Heureuses ames, & de qui le nom vole sus la plume de tous les escriuains, que ie vous louë en vostre courage, admire en vostre cōstance, adore en vostre diuinité! permettez moy, que ie baise, ces mains victorieuses, & que emmuré d'une seure paix, ie puisse trouuer le bers de nostre bon-heur en vostre tombeau.

L'on tient qu'il y a vne telle Symetrie, entre les parties & le tout d'un corps, que la moindre partie offensée, la principale s'en resent. Il est vray, MON ROY, celuy qui louëra vostre Iustice, comme membre, ou partie, de ce grand amas de vertus, dont vous estes si parfaitement accōply, semblera toucher toutes les autres. Iustice, re-

fort des plus belles vertus. Iustice, qui
 dōne le manege aux autres perfectiōs.
 Iustice, qui entretiens l'amitié des peu-
 ples. Iustice, qui as assemblé les hom-
 mes errans en vn corps. Iustice, qui as
 fourny de Harpe à Orphee pour faire
 danser les boys, & à Amphion pour
 donner le bal aux Pierres. Iustice Dieu
 mesme esprit mouuant, & Eternel, &
 qui par des ressorts secret, fait mouuoir
 ceste machine selon ta sage prudence,
 qui tiēs en ta main le cours des Astres:
 la volubilité du ciel: la bride des vents,
 qui en l'instabilité mesme de l'air don-
 ne fermeté à la terre. Inspire, grand
 Dieu, toutes les affections d'un Prin-
 ce, que toute sa volonté se contourne
 sous le pole de la paix, & que l'aiguille
 du quadran Eternel, que tu tiens en ta
 main, emporte l'esprit de ce Monar-
 que à la Iustice, & que les bons à l'abry
 du vent, voyent ce pere de la patrie
 l'espee au poing, & la balāce en l'autre
 reparer nos fourches des charongnes
 de tant de voleurs, qui ont rendu en
 nostre France le commerce odieux, à
 fin que nous puissions laisser empreint

en la memoire de nos enfans, comme vne sainte tradition, que HENRY III. a porté sur son front vn tiltre plus honorable qu'Auguste, qui sur le couchât de ses iours, disoit qu'il auoit reparé de marbre ceste grande Rome, qui n'estoit auparauant que de brique.

Pompee, celuy qui par ses proïesses a merité le nom de Grand, nettoya en quarante iours l'vne, & l'autre mer, des escumeurs qui filant à la rade, detrousoient tous les vaisseaux qui portoient de l'Egypte, & de la Sycile, marchandises & prouisions à Rome. Mais vous SIRE, vous pouuez en moins de quarante iours (si vous ne voulez esparger vos Caualdes) nettoyer les forests, & les grands chemins, qui comme les Haures des Sirenes, blanchissent d'ossemens, comme le Marais Pontine, & la forest Gallinaire, du temps des Cæsars en Italie fourmillent d'un milion de voleurs. Et en cela vous nous obligerez, les hommes & les loups : Les hommes, pource que plus librement ils pourront trafiquer : les loups, pource que vous leur appresterez vn bon

desert, & faisant reuiure en vous Esculape, vous retiterez plusieurs marchans du tombeau. C'est là la guerre, que nous vous demãdons, guerre vtile à vostre Royaume, guerre la consolation des bons, guerre ou plustost nœud Gordien, qui attachera le reste de vos iours avec vn bon repos.

Mais pour faire mieux ceste Guerre, & venir plus aisément à bout d'vn si haut dessein, il faut continuer ce repos, que le Dieu des armées fit heureusement pour vous, & pour nous à Veruins l'an 1568. esclorre sur nostre Grizon.

Et en ce faisant, vous rongnerez les ailes à ces Gryphes, vous lierez les iâbes à ces Faunes aux pieds du cheureuil, qui ne châtent que les bois. Autrement si vous permettez, que l'on voye encore la discorde, iouer ces funestes ieux, sur nostre eschafaut François, & si vous voulez endurer, que vostre Royaume soit l'eschiquier de l'ambition. Que nous reste-il plus, sinon que de voir ces meurtriers, se targuer du nom de Soldat? Hâ que j'ay grand peur que ces mutins, envelop-

pans

pans avec eux les bons, ne se breschèt
eux mesmes la poitrine, cōme les Sol-
dats de Cadmus! & que ceste engean-
ce Serpentine, nee en la ruine du dra-
gon de la ligne, n'empourpre les plei-
nes du sang Innocent.

Dissention ciuile, Que n'as tu osé en
nostre France? Quel quartier de ce
grād Royaume n'as tu visité: les playes
seignent encore, & ces palais autres-
fois tant superbes, que l'insolence du
Soldat a ruinez, exhalent de dessus
les massures, ie ne scay quelles fumees,
qui crient vengeance. Comme l'ido-
latre antiquité, croioit en l'ignorance
des causes naturelles, que Typhée af-
fessé sous la pesanteur du mont Aetna,
iettant vne mer de flammes, vouloit
encore esleuer le sourcil d'impieté, &
appeller de la Sentence des Dieux, qui
l'auoient condamné. Ialouse discorde,
que n'as tu entrepris? que n'as tu es-
sayé? quelle mers n'as-tu couru? quel-
les postes as tu espargné? quelles hu-
meurs n'as-tu pratiqué: pour nous
mettre en combustion, depuis que hō-
teusement tu as esté chassé des nopces.

de nostre Pelleus, & Thetis François.
 Filles d'Atlas gardez vos pommes, vn
 autre rebut fera entreprendre quel-
 que chose à ceste maquerelle sus vo-
 stre fruit doré.

Il nous faut donc vne paix, SIRE, &
 non pas seulement avec l'Anglois, mais
 aussi avec l'Espagnol. Car autrement
 ce seroit la toile de Penelope, qui
 n'auroit aucune fin. Et pensez vous
 qu'il n'y ait point quelqu'un des vo-
 stres, qui ayme plus vostre repos, que
 vos armes: Qui chérit plus vostre Ma-
 iesté, que vostre ambition qui tout io-
 yeux de l'alliance de deux Roys de
 France, & de Castille, n'a point prié
 en vain, comme vn Soldat dans Ho-
 mere, que la cruelle de ceux, qui les
 premiers enfreindroient vn si saint
 accord, fust esparse sus la terre, ainsi
 que le vin sus la victime.

Et vous ne craindriez point ces Ana-
 themes, que le Roy d'Espagne redoute
 rait: Car que veut dire, ceste congratu-
 lation à vostre bienheureux Hymenée, &
 à le naissance de Monsieur le D A V-
 PHIN, sinon que ce sage Prince cognois-

sant, que Dieu soustient le party des affligez, ne veut commencer la noïse, & estre autheur d'un si triste embrasement, qui moissonneroit les biens de ces deux estats en leur fleur, & par le mespris des bonnes loix attirer sur luy l'indignation du Ciel.

Democrite, parmi l'idolatrie des Philosophes de son temps, qui superstitieusement en la mescognoissance du vray Dieu, adoroient la pudicité, la cōcorde, & ainsi les autres vertus en l'obiet d'une Idolatre erreur, me semble avoir approché plus pres de la verité, lors qu'il a creu deux Dieux, la peine, & le benefice, pource qu'il n'apartiēt pas moins à vne souueraine Maïesté, de punir les meschans, que recompenser les bons.

Car de nous vouloir faire accroire *Que la courtoisie d'un Prince, est son couteau tranchant, que ses sermens seruent d'hameçon pour faire tomber la proye en ses filetz* : Qu'est-ce autre chose, que vous accuser de perfidie, & mescognoissant de foy mesme, à la

Salmonee vouloir faire esclorre en sa ruine propre les audacieux proiets, qu'une sottise outrecuidance auroit couuée? Qu'est-ce, que, cōme l'on dit, vous mordre en riāt, & sous vne tierce personne mettre vostre honneur en butte de calomnies, & vostre foy au rabais?

Terre & Ciel! *La courtoisie des Princes, est vn cousteau tranchant.* Hé qu'est donc Henry quatriesme? Changez, ce nom de Prince, S I R E, & vous ne tōberiez point sous la reigle generale de ses ridicules Cyniques, qui mesurent à leur aulne la Foy des Roys. Ostez ce nom de Prince si vous voulez estre creu, ostez di-ie ce nom puis que les Princes, cōme Laomedon ne font plus qu'un ioïet de leur Foy. Souuenez-vous toutesfois, lors que vous vous osterez vn tiltre si glorieux, que vos ancestres'en sont armés cōtre l'injure du temps, qui va detrempant dans le fleuve d'oubli la proüesse des hōmes de peu. Souuenez-vous dy-ie, que sans estre Prince, vous ne pouuez estre Roy, & que ce premier degré vous a seruy à escheller le throsne de la Fleur de Lis,

comme Ciceron dit que la Quæsture estoit la porte , pour s'introduire au maniemment des affaires de la republique Romaine. Je cherche toutes sortes de destours , pour pallier ce crime, mais soit, où que vous soyez Prince (c'est à dire le premier par prerogative d'honneur en vostre sacré Senat de Paris) soit que vous soyez premier Prince du sang de Bourbon, ie ne vous peux exempter de ceste maxime. Hâ maxime, que tu serois trop digne de faire rencontre avec ton autheur, d'un pareil Censeur que les vers de Platon !

La courtoisie est un couteau tranchant.

Grand Dieu, mais en qui ? au Roitelet parauenture, qui endort par ses caresses mignardes le Crocodile, & ouure la porte à Licneumon, qui se eslançant dans le gosier du monstre, luy deuore le cœur, & la vie ? ou peut estre au vipere, qui au Solstice de son amour, tranche la teste à son masse ? Non, c'est aux Princes, c'est en ceux qui tiennent le Sceptre en la main : En ceux-là mesme, qu'Homere appelle pasteurs des peuples humains : En ceux là, desquels le

front sacré verse vn monde de glace
dans le cœur des rebelles.

Parifatis qui n'estoit qu'une femme,
oreilla la vanité d'une iactance Cour-
tizane, pour venger la mort de son mi-
gnō Cyrus. Daudid, q̄ Dieu appella de la
bergerie au Diadème, fit prendre celuy
qui se vātoit de l'assassinat de Saül. An-
tigonus ne veut point voir son fils, qui
luy presentoit la teste de son ennemy
Pirrhus. Mais vous MON PRINCE
que di-ie, vous voyez, non vous estes
trop chatoüilleux, mais vous endurez
qu'on mette la main sus le collet à vo-
stre honneur, & qu'auec vn honteux
reproche de desloyauté, l'on vous passe
à mesme tamis, - que le Gaulois Am-
biorix, & le Laomedon des Poëtes.

Vous l'endurez di-ie, & sçauiez par ex-
periēce, que l'impunité du malfaiçteur
est l'amorce d'un autre crime comme
si la conuiuence estoit l'Aymant qui
tire en suite l'audace.

Honneur, fils aîné de la vertu, deli-
cieux apas des plus rares esprits, aus-
quels tu as infus des philtres de ton a-
mour, hōneur qui nous rends innocē-

ment idolatres. C'est toy qui fis oublier à Coriolanus le debuoir d'un bon citoyen, tu seruois de Pilote à ce grand Regule, lors qu'il alla se rēdre aux prisons de Cartage. He ne t'ay-ie point veu donner le mot du guet le iour de la bataille, que ces braues Decies idolatremēt amoureux de toy, se sacrifierēt pour leur pays. Que diray-ie (miracle grand) que tu as roidy le bras de Claudie simple pucelle, qui tira vne grande nef à bord, brauiant la nature & l'art: Que les lascifs donc desormais ayent leur aueugle Cupidō, craigne qui voudra le brandon de cet enfant, & captif sous les rigueurs d'une cruelle beauté, remplisse l'air de ses plaintes matieres pour faire parler la babillarde Echo, moy ie ne veux auoir avec les bons subiets, autre obiet de mon idolatrie que l'honneur de mon Prince.

Ie ne peux mētaire d'un si lasche trait & outre d'une iuste douleur, ie me bats les flancs, comme le Lion aux approches de son ennemi, qui appelle sa colere. He ! ne vous en resentirez

vous point BRAVE MARQUIS DE
 ROSNI ? ne vous sentez vous point
 picquer au vif en la personne de vostre
 Prince contre lequel on desgorge vn
 monde de blasphemés ? Ressembleriez
 vous point à ces Ours, dont parle Pli-
 ne, qui entrent en vn si profond som-
 meil, qu'on leur oste la vie premier
 qu'ils l'ayent sentie ? Auriez vous le
 courage paratitique à vne si rude at-
 teinte de vostre honneur ? Ou bien pa-
 raument ne voudriez vous point pu-
 nir ce forfait par la seule crainte du
 supplice, comme Dyonisius recōpen-
 sa vn ioïeur de Cistre du plaisir de l'espe-
 rance d'un present ? Demetrius le bor-
 gne fera trancher la teste à Theocrite,
 qui l'auoit appellé Cyclope, Ptolomee
 philadelphe fera punir dans les prisons
 Sotades, pour vne pointe Satyrique,
 Cæsar ne voudra point voir Ligarius,
 qui l'auoit appellé voleur, & vous fe-
 rez muet en vostre cause ? vous ferez
 l'oreille sourde ou vous deuriez estre
 plus haut d'oreilles ? Vous-vous laissez
 mener deuant le char des calom-
 nies, pieds, & poings liez.

Mais s'il est ainsi, *que la courtoise d'un Prince soit son cousteau trenchant*, qu'aurez-vous fait en l'Angleterre, que fermer la perfidie de vostre Roy? desguiser sous le miel de vos douces paroles, les cruauté d'un traistre? lequel, comme disent les Poëtes de leur amour, a le fiel au cœur & le miel en la bouche. Si la courtoisie est un cousteau qu'en auez vous esté, que la pierre affiloire? Si c'est vne cognee, qu'en auez vous esté, que le manche? Si c'est un torrent, qui menace ses voisins du degast, qu'en estes-vous que le canal? Si c'est un feu, qu'en estes-vous que la trompeuse cendre? Si c'est vne Hiene, qu'en estes-vous que la voix? Si c'est un Crocodile qu'en estes-vous que les pleurs? Quoy que ce soit vo⁹ serez appelé au partage de ce blâme, si vostre vertu ne se roidist en l'Antiperistase de l'enuie.

Et pourquoy le refuseriez vous, car si le semblable caresse son semblable, cōme vous estes rauallé par les seditieux, les bons vous porteront sus leurs feux de ioye & coups de Canon iusques à la nuë.

Marius n'est pas moins glorieux, lors que Glaucias brasseur de biere en l'estat Romain, le loüoit en ses harâgues, que lors que couroucé il faisoit profession de mesdire de luy:

Mais ie voy bien que c'est, MON SEIGNEUR, vous cognoissez que l'on se mocque de l'escrimeur Ctesiphon, qui voulut faire à coups de pied avec la mule, que le fiel nous grossist, lors que nous voyons ce grand Monarque Xerxes, se laisser emporter iusques là à la passion, que donner des poinçons à la Mer, & des coups de foüet à la Mer, mesme escrire des lettres au mont Athos en cesteteneur. *Athos merueilleux, qui de ta cime touche au Ciel, garde toy bien d'auoir des rochers grands & qui soyent malaisés à casser, pour empescher mes ouurages autrement ie te denonte que ie te couperay toy-mesme, & te ietteray dedans la mer.*

Dauantage puis que les moralistes ne veulent pas, que le sage obeisse à ses passions, & luy donnent la raison pour regente de ses affections, ce seroit doublement blasphemer contre vostre prudence, Mon Seigneur, non seu-

lemēt de dire, mais de croire, que vous vous laissez aller à la colere, vous sçavez trop bien étoufer au berceau, ceste passion naissante, & laisser la vengeance à la raison : vous avez cela de commun avec vn Socrates, & vn Aristides qui ne croient point que l'enuie d'un mesdisant peust butiner sur leur honneur. Ainsi, les broüillas, qui embrunissent le Soleil en nostre Zenit, ne luy desrobent iamais sa clarté nourriciere. Ainsi, vn torrent brise ce qui s'oppose à son cours. Ainsi le feu brusla le bouquin de Satyre, qui s'atachoit à ses embrassemens. Comme si la vertu estoit vne corne de ferf, mise sur le brâsier de mille glorieux trauaux, qui chasse par son odeur le ialoux venin d'une serpentine enuie.

L'on dit que le Delien lassé de la course, & frustré de ses esperances, apres vne si longue poursuite, voyant que sa Daphné, qu'il tenoit embrassée, froidissoit sous l'escorce d'un bois mourant, entre mille autres benedictions, luy donna qu'elle ne fust frapée du foudre. Mais auourd'huy vostre bō

heur marié avec vostre vertu, entre ses doux embrassements, & les plus mignardes caresses, semble vouloir tirer hommage du destin pour s'apothéoser luy mesme, & eternal en son espece, bastir l'immortalité de vostre gloire sus l'impuissance de vos enuieux.

Et qui ne le croira, lors qu'il vous verra glorieux en ce monde Paris tenir la plume de tous les escriuains homager? Qui ne le croira, vous voyant aupres de ces quatre fois triomphant HENRY, comme vn Mœcenas aupres de son Auguste? mesnager l'oreille d'un grand Monarque? Oeconome d'un riche Peru, Gouverneur & Lieutenant pour sa Majesté en Poictou, au Solstice de vostre bon-heur, & qui en vostre pieuse liberalité, eslongné du Capricorne, vous tenez tousiours au Lyon, tant vous estes prompt à secourir les affligez.

Souuenez-vous, Noble Mœcenas, lors que vous possédez l'oreille du Roy, & que vous estes appelé aux plus priuez conseils du Cabinet, que les estoiles fixes ne sont roulees, que par

le mouuement de leur cercle, que la plus grand' part des vertus cloche, ou la discorde est en quartier, que Astree se retira au Ciel sous le Siecle de fer, que les Lites Deesses dans Homere, peuuent à peine en vn long siecle reparer le dommage, que traine ceste pernicieuse Athé, en vn mot que le cercle de la paix porte pour ses Estoiles fixes toutes sortes de vertus, qu'il y a danger d'Eclipse, si la guerre se trouue en droite ligne entre nous & le Soleil de Iustice. Est-ce là la source de nos maux, le Comette de nos defastres, l'argument des plus sanglantes tragœdies, que Bellonne aye ioüie sur nostre Theatre, l'Alpha de nos troubles, & confusions inciuiles qui n'a pas tousiours trouué son omega en vingt & quatre lettres? Mais, comme nous n'auons iamais que les maux, que nous pourchassons nous mesmes, aussi le Ciel se rit de nos pleurs.

Mutins qui ne vous lassez point, de baigner vos mains parricides dedans le sang humain, qui vous seruez du fer à la perte des hommes, que la nature

trop imprudente nous fournist, pour la
 chasse des bestes farouches , Tyrteés
 de seditiō qui cornez aux oreilles d'un
 Prince paisible , le feu & le sang , faux
 Chameleons d'estat, qui ne prenez que
 trop bien le teint rouge, blason de no-
 stre cruauté , & ne sçavez que c'est du
 blanc tant vous tenez à gauche l'innocence.
 Hé ! ne voirray-ie jamais avec
 les bons subiets , vos testes baigner dās
 vostre sang propre , avec ce reproche,
 que faisoit vne Royne de Scythie à la
 teste de Cyrus, *Rassasie toy du sang, dont
 tu as tousiours esté tant alteré.* Ne vous
 verray-ie point comme l'auare Tantalé,
 non, dans l'eau, mais dans nostre sang
 iusques au menton, non, des pommes,
 mais des pierres de malediction cre-
 uasser dessus vous Tiphoees, que pou-
 uiez vous engendrer que les Dragons,
 des chimeres, & des hydres en vos con-
 seils.

Les cabalistes tiennent, que Iunon
 conçoit Vulcan du vent sans l'aide
 de Iuppiter , & nous , que deuons
 nous croire , de vos conseils tous
 bouillans, ce semble, sous le brasier du

deuoir, sinon que, comme vostre vanité les a conçus, aussi s'auortent-ils en leur premiere ardeur. Mais regardez vostre engendrement, regardez-le, & d'un mesme œil, que Iunon son Vulcan, ô qu'il est bien plus difforme. Voyez, comme il cloche sur le deuoir d'un bon citoyen, voyez, comme ce n'est que feu, qui menace nostre patrie d'un triste embrasement. Precipitez ce monstre du ciel de vostre ame, precipitez-le, il n'y aura point de Lenno, qui le recoiue? Enquoy, que tardez vous? Brute fait trancher la teste à ses propres enfans pour la liberté de sa ville.

Torquatus n'en fait pas moins, pour maintenir les Loix de la guerre. Et vous attendrez, que ces apostumes vous creuent sus le nez, vous ne chanterez point vne louable palinodie avec les fidelles François. Allez ames rebelles, que puissiez vous courtiers de la discorde estre emportez à ce destroit, que ne trouuant point d'ennemis, vous vous entreheurtiez vous mesme. Que puissiez vous comme

vous vivez en trouble, trouuer mesme
 paix en vostre Tombeau, qu'Eteocles,
 & Polinices. Que puissiez vous iouir
 tellement de nostre repos, que vous
 soyez tousiours en guerre, & auallant
 l'Aconite de vostre fortune ruineuse
 en nostre paix; luitter sans fin avec les
 fiers bourreaux d'une conscience cri-
 minelle.

Mais, ô sales Harpyes, qui allez in-
 fectant les mers, de nostre vieil rhinee,
 ne sçauiez vous point, que nous auons
 vn Calais, & vn Zetus, pour extermi-
 ner vostre race? L'vn desquels surpasse
 Boree en vistesse, pour l'execution de
 ses desseins, l'autre, *maternum referens*
virtute parentem, semble estre né non
 seulement à Athenes, mais aussi estre
 Prince de l'attique eloquence: N'avez
 vous point ouy parler, depuis que vous
 hantés la France, qu'il y auoit dans ce
 grand Paris, vn MARQUIS DE ROSNI,
 qui comme Agesilaüs, promet de ne
 nous laisser plus ouyr le son des alar-
 mes, & vn autre Demosthenes, ce no-
 ble Achilles de Harlay, que l'aage, &
 l'experience ont rendu, *παλιν εἰς*

après l'incertitude, qui ont tous deux vne telle force de persuader, qu'ils peuuent ruiner en deux mots tous vos desseins. Ne les auez vous point veu ces derniers iours, à la sappe & à la mine, destruire les fondemens de la guerre? Gardez vous, que la plume au poin, & l'espee en l'autre, ils ne vous facēt la proye funeste d'un bourreau en Greués.

Apprenez, temeraires, nouices en fait d'estat, apprenez dy-ie & retenez pour vostre instruction, que ces sages Nestors, que Dieu a donné à nostre Agamemnon François, ont eu l'espee au poing, l'honneur en butte, tandis que nostre Helene estoit chez l'ennemy, & le conseil de paix en la bouche, quand elle s'est peu faire sans faire bresche à la gloire du throsne de la fleur de Lys. Et comme les chesnes de Dodone, en mesme temps rendoient des oracles, & degouttoit de miel, aussi les conseils de ces MESSIEURS, assaisonnez sous vne mielleuse eloquence, nous ont esté veritables Almanachs du bõ-heur qui aborderoit à pleine vague ceste Monarchie sous le regne de Henry.

Trois, & quatre fois heureux siecle
 où nostre Saturne cherist ses enfans,
 & ne craint rien d'ennemy de son Iup-
 piter. Trois, & quatre fois plus heu-
 reux, qui as veu ces Titans geans d'e-
 stat, donner du nez à terre, acralez des
 foudres de ce tant redoutable Parle-
 ment de Paris! Plus heureux qui as fait
 voir, au Syncope de nos plus ameres
 douleurs le retour désiré d'Astree, qui
 s'estoit, comme on dit long temps y a
 retiree au ciel, sous le regne de l'an-
 cien Iuppiter, lors que le desordre & le
 mespris de la Justice, eust armé les
 mains homicides de nos peres. Aage
 vraiment doré, qui fille d'un doux re-
 pos les yeux de l'ambition, & faisant
 ramper le sommeil dans les membres
 du Dragon de nos troubles, nous asseu-
 rez d'une conqueste plus precieuse, que
 celle, qui fist armer avec le Prince de
 Thessalie la ieunesse Gregeoise. Aage
 benit, que puisse tu bigarrer nos prez
 au Printemps de mille & mille fleurs.
 Faire iaunir nos plaines en Esté des
 bouquets de la blonde Ceres. Charger
 de fruits le giron de Pomone en Au-

omme, comme dans Pactole faire rou-
ler par nos riuieres des lingots d'or.
Degouter nos arbres de miel, & nos
fontaines de lait, que les peuples soiēt
yurés en leur abondance, & que le mai-
stre de la famille entre mil & mil bene-
dictions dont il benira le Seigneur se
desrobe le Soleil sous vne espoisse su-
mee de ses Encens.

Qui a veu iamais en vn Tableau Is-
raël eschappé de la fureur d'un Roy e-
stranger, qui le poursuit à main armee,
vne partie desia à genouil chanter à
Dieu vn Cantique, l'autre à genouil
my-ployé, & prendre plaisir comme il
semble, à voir les eaux de la mer luit-
ter pour Dieu avec ceste grande ar-
mee, sabouler parmy les ondes cour-
roucees les charongnes de ces infidel-
les, enseuelir miraculeusement le char,
& le cocher dans cest element. Qui ne
croiroit, que la curiosité de ceux là qui
prennent plaisir à voir Dieu combat-
tre pour eux, eschauffer à leur ame
d'un zele plus ardent à chanter vn
Hymne. Comme le triste souuenir de
nos miseres, & la reflexion de nos yeux

sur nos defastres passez, nous fait craindre dorefnauant vne pareille desolation, & ensemble chanter vn *Te Deum* pour action de grace d'un si signalé biẽ fait. Ainsi la nuict nous rend le iour plus agreable. Ainsi le blãc paroist aupres du noir, & tire vn grand esclat de son oppose. Ainsi les peintres, pour releuer, & faire paroistre les choses luyfantes, & claires, les renforcent avec des obscures & ombrageuses qu'ils mettent aupres. Ainsi la nef pousseẽ d'un doux Zephir ne se fie plus aux mutins Aquilons.

Et de nous precipiter, de ceste rauissante Charibde d'oũ nous sommes eschappez en vne abayante Scylle, entrer de fiẽure en chaud mal, que seroit ce qu'une manifeste furie ? Je croiray desormais, que la flotte gregeoise ira surgir vne aũtresfois au destroit de Caphare. Que Phaeton my-bruslé attellera pour la seconde fois les cheuaux du Soleil, & conduira le char qui esclaire ce grand vniuers, oublieux de sa cheute, que ses sœurs pleurent encore aux riuies du Pau. Qu'Ulisẽs quittera les

embrassemens de sa Penelope tant desirée & monstrueux conquerant des graces d'une paillardes Calisto ou d'une sorciere Circe retracera sus le dos de l'humide Neptune ses routes & ses longues erreurs. Que le forçaire affranchi de la cadene gardera comme Saintes reliques les ceps qui l'ont enfermé: Si le François attenué par la fièvre violente de nos guerres Ciuiles, asséché au feu de sedition, veut r'alumer au sein de sa patrie, à peine encore releuee de la Couche de ses mutineries, vne guerre sanglante & nous faire voir vne autrefois les Symptomes d'une incurable maladie.

Aueugle François, iusques à quand porteras tu sur tes espaules le boiteux, qui au lieu de te guider en fin te coupera la gorge, iusques à quand pourras-tu separer l'ami, d'avec le flateur? le Nectar, d'avec les Aconites, iusques à quand *ma pauvre France*, cōme vn autre Dejanire, enforcelee des promesses du Cantabile Nessus, qui sembloit enleuer d'entre les bras de ton Hercules, ces derniers iours que l'insensee Enyo

nous faisoit voir tes plaines cōme vne mer couroucee, où les flots germain s'entre-heurtent, ialouse des caresses, dont les bons subiets courtisent l'idole de ta belle fortune, leur feras tu present d'une robe enchantee, qui retraçant en leurs âmes les douces amorces de brigandage, ne leur donnera repos qu'en la Catholique conbustiō de leur patrie.

Merueilleuse deuoit estre la force des breuuages, que Circe apreſta aux compagnons d'Uliſſe qui par vne infame metamorphoſe, terniſſoit en ſale groin de pourceau la ſplendeur de ceſte image du Dieu viuant, mais plus prodigieuſemēt aujour d'huy, ſans le moly d'un ſage Mercure, ces Tyrtees ſemblēt deuoir avec le colintampon des Tābours & la tantare des Trompettes, changer en tigres nos Frāçois, armer nos cœurs de bronze, & nos yeux d'impudence, qui oſeront encore regarder le Ciel teſmoin de nos pleurs, lors que no^r ſouſpirons apres la paix que nous faiſons paſſer iniuſtement par l'Oſtraciſme de noſtre legereté.

Athenes n'eust pas quand elle voulut son Temistocles, qu'elle auoit trop follement banni. I'ay grand peur que si nous chassons si legerement la paix, qu'honteuse en vn si vergongneux opprobre, elle ne retourne de long temps.

Mais voyons quel monstre nous aimons, nous parlons de la guerre, les Poëtes en introduisent vne perpetuelle dans le Tartare, où les âmes coupables sont bourrelees: La Megere sonne la Trompette: Alecta bat la quasse: Tisiphone souffle la rage & la fureur à ces maudits: Quel autre spectacle te propose tu, pauvre France, aux actes d'une si funeste Tragœdie, sinon que de voir la sanglante Enyo, avec sa germaine Atropos couper tout à main le fil de nostre vie. Nous aimons donc la guerre? Vrayement c'est vne maistresse digne de l'humeur François. La guerre, qui au lieu de cheueux a des Serpens retords, qui n'ont que trop espendu de venin, aux cerueaux des rebelles. La guerre, qui n'ayant qu'un œil au milieu du front, cōme vn autre Cyclope, se l'est

laissé creuer à son ambition. La guerre , qui comme Cacus attaché à Hercules, soufflant vne époissée fumée de sa puante bouche, nous dérobe le Soleil de nostre repos. La teste toute Chimerique , comme ses audacieux proiets ne sont qu'un point en Mathématique, un moment au temps, & un atome d'Epicure. Les espaulles assez fortes, pour prestér, ce semble, support pour un temps aux seditieux, & leur seruir en fin d'estrieu, pour monter au gibet. Les bras retrouffés iusques au coude, & degouttans encorés du sang germain des grifes, au lieu de mains avec ceste deuise, *Je ne laisse rien.* Ses poitrines enflées d'Aconites & cignes dont elle abreuve ses nourrissons. L'estomac, qui pour toutes ses parties n'a que du fer, & du bronze, force les poulmons de salpêtre, & de soufre, comme son haleine n'est que feu, le ventre de cheure, qui moissonne nos biens en verd. Les iambes & les pieds de laine, tant elle est paresseuse à s'en aller. La guerre en un mot, le troisieme fleau de Dieu, à qui la rebellion fournit d'atours,

tours, la desobeyssance d'armes, & le mespris des loix diuines, & humaines, tient la bride des cheuaux, comme cocher, & guide son char par le monde. Voilà la dame que tu courtise, François, ce sont là les traicts mignards de son visage, duquel tu n'auras si tost l'idee empreinte en tō ame, qu'en mesme temps vne furie mettra la main sur ta conscience criminelle pour y auoir iamais songé.

Orestes ne fut sans peine, apres que Matricide, eust baigné son cousteau dans le sang de sa mere. Et toy François, espere tu repos en ton ame, lors qu'oublieux de ta Foy iurée avec l'Espagnol sur les saintes Euangiles, tu feras banqueroutte à vne si sainte alliance, & rougiras ton espée dans le sang allié? Peuple mutin, peuple gros d'humeur seditieuse, sur lequel creuaissent les maledictions du Ciel, comme les foudres sur l'infame cap d'Acrocetaune. Imprudēt tu ne scaurois combien il coustoit cher à Priam, que son fils donnast la pomme d'or à Venus, si la Grece coniurée n'eust mis

son miserable estat les pieds contre-
mont. Seras tu tousiours le gibier des
flateurs, le iouet de la fortune, & le
triste mirouer, pour reformer la dé-
bauche des Royaumes voisins. Ferme
tes yeux à vn si funeste obiet ou si tu
les ouure, voy avec ta déloyauté, la
paix qui s'enfuit de toy, voy la di-
e. & dis, avec Apollon de sa daphné, que
ce que la fuitte te cache est plus excel-
lent, que ce que tu vois.

Les Tiriens, apres vn long siege s'a-
perceuans, que leur ville deuoit sa
ruine à ce grand Alexandre, qui la te-
noit bloquée, & plusieurs de la ville
ayant songé en dormant, qu'Apol-
lon leur disoit, qu'il s'en vouloit aller
deuers Alexandre, & que ce qu'on fai-
soit au dedans ne luy plaisoit point, le
lendemain on assemble le conseil, on
met ce point en deliberation, chacun
en dit son aduis, en fin ces miserables,
la fortune desquels sembloit sortir de
cadence, ne quittent pas au premier
choc de ceste vague de desespoir, vn
fugitif Apollon les tient en ceruelle
le mesme retenu guarira cest e frene-

sie, comme le Scorpion porte la mort
 & la vie de son ennemy : Et de vray
 armés d'une pieuse resolution ils at-
 tachent l'idole de cet Alexandriste à
 sa base. Pardonne Apollon à vne su-
 perstitieuse credulité, ils veulent mou-
 rir à tes pieds, & servir en ta captiuité.
 Braues & genereux conseils. Pieuse re-
 solution non de Payens mais d'une
 compagnie Chrestienne. Que puis-
 siez vous estre empreinte au cœur des
 François. Que puissiez vous toucher
 d'un doux repentir nos ames, & nous
 faire dire avec les Tyriens. *Tu seras*
violée avec nous Foy iurée sur les Euan-
giles, autrement il n'y aura rien, qui te face
oublier. Que puisse tu Foy publique,
 clouée à la base de nos conceptions,
 faire voir en ta fuitte vn triste repen-
 tir.

Les Nauchers ne muguettent ia-
 mait la coste. Qui n'a point de haures
 pour mettre leurs vaisseaux à l'abri, &
 les estrangers ne trafiquent point li-
 brement, avec les Ciliciens, & Barba-
 res, qui ne sçachant que c'est de foy, en
 l'aueuglement d'une infame auarice

despoiillēt toute humanité. Car puis que ceste qualité, est comme le fa-cteur, & l'agent de tout le trafic hu-main, peu de gens surgissent là d'où elle est bannie. Ainsi le renard d'Esopé ne visite point le Lyon qui repaissoit sa faim gourmande du meurtre des animaux qui l'alloient voir sus sa foy.

Les anciens Romains faisant al-liance, avec vn peuple ennemy apres beaucoup d'exorcismes, tuoient vne truie d'un coup de pierre avec ceste imprecation. *Iupiter tout puissant qui sondes le plus profond de nos cœurs tu vois l'intention des deux armées, si tu as encore des foudres n'espargne point celuy, qui le premier violera vn si saint acort.* Aussi l'on condamna la perfidie de Cleome-nés, qui ayant fait trefues, pour quin-ze iours, avec les Argiens, les chargea de nuit. Dieu grand Dieu ! le François espoufera donc le reproche des Grecs, la desloyauté desquels auoit passé en proverbe le François bouffi du tiltre glorieux de *Franchise*, sera appelé au partage du blasme des Carthaginois, qui ne gardoient leur foy promise,

qu'autant, que le se-iour leur donnoit le loisir pour se rallier. Le François, tenu ci-deuant parmy les estrangers, trop superstitieux en vne alliance, se laissant emporter aux flux de sa bonne fortune, aueugle en ses prosperitez comme les Geneuois, portera la liuree de legereté. Le François oubliera Dieu tesmoin de son serment, fera li-tiere du droit des gens & le premier encourra la malediction du Ciel.

Et quoy la iournee de Varnes, où le Roy Vladislaus paya les interets de sa perfidie pour auoir osé contre les paches de son alliance faire la guerre à Amurath, n'est elle assez de fresche datte, pour faire aprehender le Bureau de ce grand Iuge, deuant lequel nous deuons tous comparoir. Tu en scau-rais bien que dire, Sedecias, qui vis esgorger tes enfans, & perdis les deux yeux guerdon digne de ta desloyauté, apres que tu eus traitreusement presté secours au Roy d'Egypte contre l'Assirien. Non, non il faut garder la Foy & mesmes aux pariures: toutes excuses clochent en matiere de Iustice, &

ne sert de rien de dire que la fortune des grands ne tient point au fief de la Foy, qu'elle est chauue par derriere, & qu'on la doit emporter lors qu'elle se presente.

Vostre predecesseur MON PRINCE, sus lequel le Ciel prodigue de ses graces auoit versé beaucoup de benediction, pour couronner d'une glorieuse Catastrophe ceste noble maison des Valois, donna assez à cognoistre qu'un Prince, qui se veut tenir les pieds sus le deuoir, qui veut fermer la bouche aux calomniateurs, emousser la pointe Satyrique d'un mesdisant, ne dois rien auoir plus cher que sa foy. Car scachant bien, que c'estoit une bonne caballe d'estat, de ne laisser échapper l'occasion, refusa tout à plat le Prince d'Orange qui le sollicitoit, de prendre la protection du pays bas qui auoit les yeux tournez sus sa bonne fortune, & contre la paix iurée à Chambresis reünir à la Couronne ceste riche Comté. Bien heureux Prince, qui n'as point succé en ce siecle de fer la corruptiõ de nos mœurs. Biẽ-heureux

di-ic, Qui n'as peu prendre le ply, ny la teinture de l'ambition, semblable à ceste fontaine de Sicile qui passe au trauers de la mer sans en tirer la salure.

Ceste exemple pourroit porter coup en nostre ame. M O N R O Y, si en tous vos exploicts, vous ne vous mōstriez, hors de tout exemple, que de vous, à vous. Car vous mesme, estant prié de secourir le pays bas, avec assurance qu'on ne le trouueroit pas plus mauuais de vous, que du Duc Matthias d'Austriche, frere de l'Empereur Rodolphe, vous ne pēustes y estre induit, tant ce pretexte de la Foy publique, estoit vn fort contrepoix pour balancer vos desseins.

La foy d'vn Roy, doit estre cōme vne Tour forte, hors de sapé & d'escalade à l'ambitiō, pour seruir de Phare à ceux que l'imprudēce auroit fait fouruoyer parmy le flux & reflux des humeurs courtifannes. La foy d'vn Prince doit estre vn clair Phanal, qui guide toute sorte de gens à bon port, & certaine retraite d'vn chacun ne doit pas sembler, mais estre en effet seure.

Le chef de Caphare est infame, par la vengeance de Namplius, qui fist abismer dans les goufres de la moite Thetis vn millier de guerriers. Ambiorix, tu auois assez esté gaucher au deuoir d'vn homme de bien, & fait vn grand bris à ta foy, d'auoir osé songer à surprendre le camp de Cotta, & Sabinus, Lieutenans de Cæsar, si apres leur auoir promis seure retraite sur ta foy, tu n'eusse taillé en pieces leurs soldats tombez en tes embusches, & obligé ta valeur à vne fuitte honteuse, pour euitier le suplice, qui apres t'auoir long temps talonné, te fist passer le reste de tes iours, cōme vn casanier.

Ce braue Senat Romain, digne, seul de toutes les anciennes Monarchies, de seigneurier tout le monde, renuoya à Pyrrhus son Medecin qui alleché par les douces amorces de recompense, mettoit entre les bras des ennemis, la vie de son maistre en dépost. Et comme si la foy eust prouigné en ceste republique long temps apres, Caton, qui ne s'est laissé vaincre, qu'à sa constance mesme, lors que le Senat

decernoit qu'on sacrifiaſt & qu'on fiſt de nouveau des Proceſſions, & des feſtes, en l'honneur des Dieux, pour rendre grâces de la victoire que Cæſar auoit enporté ſur les Alemans, fut d'auis, qu'il le falloir liurer entre les mains des ennemis, pour deſcharger la republique du crime de Foy violee, & en deſtourner la malediction ſur celui ſeul qui en eſtoit auteur. Eurycratidas auſſi, ſouloit dire à ceux qui luy demandoient, pourquoy en l'audiſſe des Ephores, on n'appelloit le plus ſouuent que des cauſes de contracts & obligations, que c'eſtoit, afin, que par vne bonne couſtume cela paſſaſt en naturel aux Spartiates, de garder la Foy indifferément à tous. Comme ſi ceſte ſainte vertu, eſtoit le paſtel qui doiue donner le premier teint à tous nos exploits, & la trompette, qui doiue eſuanter noſtre renommee.

Genereux ſexte Pompee tu pouuois en vne heure vanger la mort de ton pere, & de ton frere occis, mettre ſur ta teſte ce Diademe, que ton pere auoit honteuſement ietté au champ de

Pharfalle. He qui t'en eust empesché? Le sort auoit amené souper en ton vaisseau ceux que la Fortune opposoit comme vne esquiere à l'ambition de tes hauts desseins, tu tenois Anthoine & Auguste en tes filets, vn seul cable coupé, vn ancre leuée, logeoit ces deux Monarques à quatre doigts du tombeau, ton affranchy Menodore te souffloit aux oreilles la gloire. Rome estoit peu, pour vne si haute entreprise, si tout le reste de la terre n'eust esté le loyer de ta perfidie, & avec tant de beaux aduantages, qui pouuoient esbranler la constance mesme, pesez son refus, **MON PRINCE**, *Cela est bon dit-il à ceux qui n'ont point iuré.*

Et que aujourd'huy pour vne petite case, apres auoir iuré la Foy dans nostre Dame de Paris, sur ce grand Theatre du monde, deuant le Legat du S. Pere, & les Ambassades de la Majesté Catholique, vous mettrez vostre hōneur en sequestre entre les bras de la perfidie? Vous verrez esgorger tout à main, ceux à qui la foy publique doit prester seure retraite? Vous

passerez les Pyrenées, pour porter le
 cousteau à la gorge de celuy, duquel
 vousbeuuez n'aguere à la santé? Non,
 MON PRINCE, vos subiets ne le
 peuuent croire, ce sont autant de chi-
 meres que l'oyssiueté a basty en la fan-
 tastique ceruelle des mutins. Plustost
 le Soleil retrograde du midy retour-
 nera baigner sa blonde cheuelure dās
 les flots Orientaux. La Seine enuiee
 de son cours ordinaire, relauera la co-
 ste Bourguignonne. La terre vne au-
 trefois noyée sous le deluge, accusera
 l'Iris de mensonge; Que la foy de
 mon Roy, la Foy d'un Roy de France,
 d'un Roy tres-Chrestien soit hōma-
 gere des plus iniques passions, qu'un
 Prince l'abregé de tous les vertueux
 Princes, ne gardera sa foy qu'autant
 que l'occasion luy verra le moyen de
 la rompre au desauantage de son pro-
 chain. Qu'un Monarque puissant, qui
 doit porter vne dextre, non tant pour
 la terreur de ses ennemis, que pour
 l'asseurance toute certaine de ceux
 qui se iettent entre ses bras, ainsi que
 vn perfide Lycaon attendant Iupiter

pour venger en l'affliction commune des trois estats esprouuera la pointe de ses trois foudres, qu'une petite grange au delà des pyrenees nous fera faire leuee de bouclier? *Cela seroit bon parauanture à ceux qui n'auoyent pas iuré.*

Sagaute, apres la premiere Guerre, puis que contre l'alliance des Romains, & des Carthaginois, reçeut le premier essor, de ce grand fleau de l'Italie, qui par les cendres des villes, & le sang des hommes, s'est accueilly la malediction du ciel, & la mal veillance des hommes. Rome toutesfois avec laquelle elle auoit traitté ligue offensive, & defensiue, se tient coye en tant de troubles, & faisant l'oreille sourde, ne veut point entendre à prester secours, que premier elle ne se plaigne en plain Senat des Cartaginois, du tort que luy faisoit Annibal. Et nous aujourd'huy, apres auoir esté cherchez de paix, nous ressemblerons ceste pierre, qui molasse d'elle mesme s'endurcit par vne agreable infusion d'huile.: Ou bien comme le mulet

nous donnerons du pied à ceux qui nous caressent : Ou comme Aristote disoit des Atheniens nous laisserons vieillir la poire, dans le poirier, & la figue au figuier, & ingrats ne reconnoistront point ceux qui nous veulent du bien, & de gayeté de cœur nous irons presenter la bataille à ceux qui demandent le repos, nous paroistront au calme de nos voisins comme vn astre malin, *cela est bon à ceux qui n'ont point iuré.*

Auguste Cæsar religieux obseruateur de l'equité non seulement en guerre, mais aussi en paix ne peut estre esmeu par l'accusation d'vn flatteur, qui reprochoit en pleine audience à vn criminel Eliau, qu'ordinairement il mesdisoit de luy. Et vous, MON PRINCE, qui paroissez entre les autres Monarques, comme vn Soleil entre les planettes, qui pouuez au couchant de nos troubles, communiquer la lumiere de vos faits d'armes, à l'argentaine phœbe de Iustice. Croiriez-vous vn tas de mouches domestiques à qui les confusions communes fer-

uent ordinairement d'eschelles, pour exalter leurs estats, & faire leurs maisons, au lieu que la paix en renuoye la pluspart chez eux, viure en hommes particuliers: Vous les croiriez di-ie sans vous apercevoir qu'ils sont bien aises, que vostre valeur chauffe les fers, pour allumer de nouuelles combustions en vostre Royaume.

Je ne diray point de peur de rafraichir vostre honte que Henry II. étant en la faueur du Pape, laisse embarquer sans biscuit en vne guerre penible, contre la trefue faite avec l'Espagnol, nous fit marquer de noir ceste funeste iournée de S. Laurent, où la prison du Connestable & du Duc de Montpensier, eust esté peut estre tolerable, si Iean de Bourbon Duc d'Anghien n'eut demeuré sur la place, avec grand nombre de Noblesse.

La foy d'un Prince rompue mal à propos, enfante tousiours quelque malheur, & ô stupidité de nos sens nous ne fuirions pas cest escueil degouttant du sang de nos deuanciers. O MON ROY, quel exemple d'un Prince affligé

est vn beau miroïer, pour nous faire
 voir en autruy, ce que nous deuons
 craindre en nous mesmes! ô que celuy
 prudemment est sage qui s'apprent au
 dommage d'autruy! ô trois & quatre
 fois heureux celuy, qui sur le port re-
 cueille le bruit du naufrage de son voi-
 sin! O la belle dressiere, que la faute
 d'un autre: si nous sçauions bien retirer
 nostre espingle du ieu. Et biē t'en prit,
 pauvre Brouïage, qui en ses derniers
 troubles, voyant le traitement, que le
 Duc d'Alençon auoit fait à ceux d'Issoi-
 re, te iettas entre les bras de ce vaillāt
 Duc du Maine qui te tenoit inuestie.

Pline parle d'une pierre de Lycie, qui
 ronge les corps viuā, auxquels elle est
 attachée, mais l'ābition & l'auarice a-
 greables ennemis de nostre ame sappāt
 les fondemens du cerueau, & toute
 boüillante, en vne perpetuelle inquie-
 tude, poussēt tousiours en auant sans
 faire aucun pas d'escreuisse, la desolatiō,
 le feu, & le saccagement, sont les ordi-
 naires obiets de leur cruauté. Mais si
 elles portēt coup toutes deux ense-
 mble, elles sont aysemēt vaincues en leur

diuision, tant le sacré antidote que la raison nous fournit, est singulier, pour vn si grand mal.

Dauantage, M O N P R I N C E, comme vous auez tousiours esté resolu en vos conseils, changeriez vous aujour-d'huy de visage? Auriez vous perdu le souuenir de ceste pieuse maxime, que vous tesmoigniez n'agueres à vostre frere HENRY de Valois, lors que pour mettre fin à tant de troubles qui secouuoient nostre estat, de peur que les bons ne fussent innocemment entrauez aux pieges des mutins, vous voulustes desmesler la querelle avec le chef de vos ennemis vn à vn, deux à deux, dix à dix, sans que personne en fust en peine, ni que le peuple souffrist plus longuement.

Les naturalistes tiennent, que l'ame de la Murene gist en la queue, & ou pensez vous que doiuent estre l'ame & le plus beau de vos exploits, sinon au couchant de vostre aage? Courage M O N P R I N C E, poussez vostre gloire en auant par le gouuernement de l'estat Politique Que ceux, qui vous

ont veu, la rondelle au poin, & l'espee
 en l'autre, releuer vostre patrie de des-
 sous les mazures d'un estat debiffé, ba-
 stir auec le ciment de vostre valeur, sur
 le tombeau de vos ennemis les tro-
 phées de vos rouges victoires, puis-
 sent apothéoser la fin glorieuse d'un si
 grand œuvre dont il auoit admiré les
 pieux commencemens.

Pauvre Rome, à peine ton fondateur
 auoit dressé la ceinture de tes murail-
 les qu'il semble que le Ciel, qui deuoit
 trembler au bruit de ta grandeur apres
 que tu aurois dompté la terre, veille
 comploter auec le destin pour t'es-
 touffer au berceau, car si tes fonde-
 mens furent arrosez du sang fraternel,
 tu fis bien tost apres ionchee par tes
 carrefours des cadauers de tes beaux
 peres qui poursuiuoient trop hostile-
 ment ton juste rapt, & s'il n'y à point
 de Iustice en l'amour, à tout le moins
 en ceste necessité excusable, & à peine
 les prieres des espousees auoient ac-
 coisè ses dissentions, que ton territoi-
 re pullé te fist essayer tes cousteaux
 auec d'autres, en sōme tu allois à bons

virevoltes, & voyois tousiours les talons de tes ennemis : heureuse vrayement si ton Romule ne fust point mort, lors qu'une douce paix luy delacoit la cuirasse, & abbatoit la sueur de son front. Cest inopiné trespas ne t'estõne pas moins, qu'une nauire sans pilote, que les vagues, & le desespoir combatèt: Il te semble que ce soit fait de toy, & ce poignant soucy qui te bequetoit l'ame ioint à la licence militaire, qui t'auoit fait oublier les loix politiques le portoit aisement au desordre, & au mespris de toy-mesme, si Numa aussi aduisé en sa police que Romule estoit vaillant, n'eust mesnagé sagement tes premieres cõquestes, & affermy par vne bõne paix ton estat, qui n'estoit qu'en son adolescence.

Et toy ma France, qu'as-tu veu ces derniers troubles, lors que ton vaillant HENRY, s'est cent fois desueloppé des fieres entreprises de ses ennemis? Qu'as-tu peu esperer, sinon que ces nuages, qui s'espaississoient dessus ton visage, creueroient en fin sur leurs auteurs? que le Seigneur secoureroit

encore vne fois ceste monarchie , & malgré toutes violentes oppositions humaines, feroit triompher ton Roy, des insolences domestiques & estrangeres, qui l'auoient deſa deuouë pour legitime ſucceſſeur?

Arques Martinglife, & le Pollet, ont veu esbaucher les premiers traits de noſtre liberté : Yury le ſiege de Paris, & Iuetot, ont donné les couleurs à ceſt ouurage, & le bien heuré Sacre de mō Roy dans la ville de Chartres, couronna d'vne fin glorieuſe ta miraculeuſe reſtauration de ceſt eſtat. Mais ſi l'eſpee de Mars auoit donné le premier crayon à ceſt œuvre, il luy reſtoit encore quelques bourraſques qui ſe couuroiēt en vain ſa fermeſſe, on luy baille eſchec de tous les coſtez & touſiours il ſe garde du mal. Or au iourd'huy, ma patrie q̄ tu voiſton repos ſeellé, ſous la legitime autorité d'un Roy triōphāt, que tu es à ton renouueau, apres vn ſi hydeux hyuer, ne couiureras tu point le ciel de faire ton HENRY vn Polytique Numa, cōme au recouurement de ta liberté il s'eſt monſtré Romulé?

Homere introduit aux porches de l'Olimpe deux tonneaux, l'un saouré de miel, l'autre confit en amertume. Iuppiter en est le sage despensier, il donne à chacun ce qui luy est propre en sa saison, & repaist tellement nostre malheur d'esperance qu'assaisonnant le miel de nos prosperitez en la crainte du changement, il tient les vns en haleine, & bride les autres en leurs vanitez. Et quoy, mon cher pais, apres que tu as esté mattraissé sous les cruels efforts d'une ligue importune ne gouteras tu point la miellense liqueur, qu'une plus douce fortune te presente? ne verras tu point ceste chaude, & seiche vapeur des Edits, en la religion superieure de l'equité d'un Prince se roidir en l'antiperistase des nuages espois de rebellion & discord pour fondre sur la teste des seditieux? Les Cours de parlement en l'honneur de leur escarlate reparer la desolation que la guerre a apportée, & vanger les Manes d'un million d'innocens, toutes sens seroient-ils assoupis, ou peut-estre enterrez en ceste pierre sarco-

phage , qui deuore vn Cadauers en quarante iours; A tout le moins monstre au destin les dents , & si ce n'est du tout fait de toy, dis, que H E N R Y, que le ciel a esleu pour curateur de ta fortune , a encore pour faire iour à ses Edits, l'espée, qui ouuroit nagueres la porte à ses hautes conquestes.

Plus que trop doucement agreable paix , serois-tu desia enuiee de voir nos armes pendues au croc à la mercy de la roüille: Porterois-tu enuie à la fertilité de nos pleines plantureusement dorees des presents de Cerez: Aurois-tu pitié de ceste bonne Cybele, de laquelle nos espieux, & nos espées qu'une belle metamorphose a fait deuenir focs , & hoyaux creusent impiteusement le sein? Le bœuf t'en feroit, que le laboureur deuenu plus libre, conduit iournellement au trauail? Le ciel ne nous accuseroit-il point d'ingratitude , de ce qu'ayant trouué, comme le pelerin d'Esopé vn sac d'amendes nous ne luy en presenterons que les coquilles, & en la corne d'abondance, qui a versé

mil biens sur nous, chacun prodigue
 ses reuenus en folles, & inutiles sum-
 ptuositez pendant que Dieu est logé
 au descouuert? Les enchantemens, &
 diuinations desquels aucuns font es-
 cholle, les blasphemés impunis, le lu-
 xe, la dissolution, la prodigalité, la dis-
 corde, l'ambition, les cruantez, mais
 sur tout l'impiété, le libertinage, l'a-
 theïsme, la superstition, & l'iniustice,
 qui ont comblé le vase de nos iniqui-
 tez, nous les ferois-tu boire iusques à
 la lie? Hâ pour Dieu que ta fuitte ne
 face point iuger de nostre crime, laisse
 toy enchaîner, comme cest Apollon
 Tyrien.

La Deesse Cybelle aportee de Pes-
 siûte à Rome, voulut loger chez le plus
 homme de bien, tant les dieux fuient
 nostre vie desbordée, & de vray ce
 grand Nasica, qui depuis pour le repos
 de son pays, par la mort d'un des Grac-
 ches, escorna l'autorité d'une fediti-
 euse populace, fust iugé seul digne
 d'estre l'hoste d'une si sainte Dei-
 té. Et où t'a on logée sacrée paix, sinon
 au cœur de mon prince? Quel hoste

plus inuiolable que l'ame, & la foy de mon Roy? qu'elle plus seure retraicte, que ce superbe vaisseau de nostre Dame de Paris, où le ciel t'a veu iurer sur les Euangiles? quels plus fermes liens, pour te retenir, que les accolades d'un Prince? quelle plus grande réioüissance, que les feux de ioye de toutes les villes, signe apparent d'un zele interieur? Que puisse tu belliqueuse Isle de France, comme Delos, portée au gré d'un doux vent sur le calme de nostre alliance, faire flotter ce saint dépost, entre la foy publique, & nos mutineries, & que les seditieux aprenent en leur incredulité, qu'il n'est pas tousiours bon de dōner le premier coup, comme disoit Leuinus Appolonius, mais bien, que Lycurgus a condamné en l'amende celuy qui perdrait son bouclier, sans faire mētion de l'espée.

Il est vray, MON BRAVE ROY, que vostre courage ne se peut desmentir, que la trop longue litiere n'amolist l'audace que des cheuaux peureux, que vostre valeur est tousiours sur son quarré, que comme Ateas

Roy des Tartares, vous vous plaisez plus au hannissement des cheuaux, que aux delitieux son des fleurtes, comme le Scilicien Gelon, vous aimez mieux voltiger sur vn cheual, & luy donner carriere que ioïer de la Lyre, qui ne siet bien qu'à vn effeminé Paris.

Les flatteurs le cognoissent bien, & portant l'huyle, & le bois au feu de vostre courage, vous cornent aux oreilles, que Terez pere de Sitacles souloit dire quand il estoit à de loisir, & que à bras croisez, il sequestroit sa valeur, entre les douceurs du repos, il luy estoit aduis, qu'il n'y auoit point de difference entre luy & son palefrenier.

Mais s'il vous plaist iugez si cela peut estre vray en vous, qui en ces derniers troubles, apres que la maison de Lorraine au pour-parler de Nancy, eust tiré en sa cordelle la Cour de Rome, & conjuré le Pape d'autoriser la re-integrande des enfans de Charlemaigne, comme ils disoient, contre l'vsurpation de Hue-Capet ne peustes
endurer

endurer que ceux qui vous deuoient du retour, comme au premier Prince du Sang, allassent au pair avec vous. Iugez dis-ie cela par vous mesmes, qui auez n'agueres foudroyé ces orgueilleux gens d'Estat, qui mettant l'Apenin, sur les Alpes, & les Pyrenees, sur les deux disoient desia comme cest Ange orgueilleux, pourquoy ne prendrons nous place en ce Throsne apres de luy.

Mais il vous gratte proprement où il vous demange, & fondans leur conseil sur vne cause spacieuse tirent des consequences si incongrues, que comme ils sont ridicules aux effects, ne veulent pas qu'un si vain proiect soit du tout vœuf de risée. *De qu'elle autorité, disent-ils, l'Espagnol fait-il souche en la terre de vos maieurs? qui luy a mis vostre sceptre en main? vostre Couronne sur la teste? sur quelle Loy batist-il son vsurpation? quel iuste tiltre a-il sur vos subiets? ceste cuue des Danaïdes ne sera-elle iamais pleine? fera-il tousiours pied sur le fonds d'autrui? l'histoire grossira-elle tousiours des tragedies, que l'ambition Espagnolle exci-*

te? N'estoit-ce pas assez d'auoir chassé Iean d'Albret? l'accord de Noyon entre François & Charles d'Autriche ne l'oblige-il point de remettre ce Royaume vsurpé entre les mains de Henry II. fils pupille de Iean sa foy violée à vostre deuancier en vne cause où il va de vostre interest, nest-ce vne assez belle aparence pour pallier ceste conqueste? vn petit Roy de Castille à l'ombre des Oliuiers, aura-il tousiours barre sur vous? vous portera-il tousiours les affronts sur le nez: ne serez vo^s iamais que Roy Chimeriques? les autres en bons mesnagers recueillirōt-ils tousiours les fleurs, & le fruit, pour ne vous laisser que les fueilles? iusques à quand verrez vous les Iesuites agent de la caballe d'Espagne seruir de sentinelle perdue à vostre ennemy aux quatre coins de la France, abreuuer les maximcs pernicieuse les esprits de la ieunesse contre la liberté de l'Eglise Galicane? que ne faites vous grōder vn Vertu S. Gris, comme vn tonnerre enfermé dans vne espoisse nuée, que n'envoyez vous vostre tableau en Sauoye, & en Espagne pour verser mille peurs paniques dans le cœur de ce Naim & de ce Bossu, pensez vous qu'al en fussent moins

estonnez que Cassander , ayant veu le tableau d' Alexandre mort long-temps auparavant.

Tandis que Potolomee aymera les pures, les Courtisans , iusques à minuit, disputeront en sa salle de la propriété d'un mot. Si Dionisius cherit Platon toute sa Cour ne parlera que de philosophie, la vie d'un Prince est le Nort où se dresse l'aiguille de nos mœurs. Non plus que tandis que l'amour de la guerre, eschaufera vostre valeur en ceste verte vieillesse ces mouches courtisanes, ne feront que semer des libelles de la perfidie Espagnolle, l'aliance de Chambresis, ou Philippes Roy des Espagnes, espousera Elisabeth fille de France, sera peu pour brider nostre ambition, si vous prestez l'oreille à ceux qui ne peuvent qu'en nos troubles esclorre les dessins qu'ils conuient de longue main. Vostre bon droit seruira d'enueloppe, à l'enragede auarice d'un million de mutins qui ne sçauent ou porter la main que sur vne bourse & le pied que sur vn gibet,

Ou si vous faites autrement, & que vous vueillez tenir aujourdhuy cest accord, ratifié par serment reciproque à Veruins, pour saint, Auguste, & inuiolable. Il vous reprocheroit que vous laissez par fétardise fléir la vigueur de nos forces, & que ce n'est pas le tout, à vn Roy de se baigner en festins somptueux, ieux & mascarades, ouurir vn tournoy, & d'une feinte adresse, à la veuë des Dames, emporter vne bague, qu'il vaudroit mieux, comme Phocion, & Massinissa en l'aage de quatre vingts ans, paroistre à la teste de nostre armee, establir à coups d'espee vostre autorité perduë au delà des monts, cueillir en ce Iardin des Pheaces, vne plantureuse moisson de gloire meurie en l'Esté de vos trauaux.

Ces pedenteries seroient bonnes, si nos Roys, comme les Princes de Lacedemone dependoient de la censure de quelques Ephores, ou si comme Pompee Consul, ils deuoient rendre compte à ces Censeurs de leurs payes, ou si quelqu'un en leur Royaume leur pouuoit prescrire loy, ou si les loix

fondamentales de la couronne, ne leur donnoient absoluë iurisdiction. Et puis aller contrerooller vn Roy au milieu de sa Cour, estaller des preceptes, pour reformer sa vie, non seulement, en quelque coin escarté de ce Royaume, mais en ceste grande ville de Paris, où les Roys d'Angleterre teste nuë sans espee, sans esperons, ont si souuēt fait hommage à ses predecesseurs, pour leurs terres de Guyenne. Qu'est-ce que sur le theatre de la Chrestienté faire iouër trop imprudemment le roolle d'un refrogné Catō, bailler vn curateur à l'auare, & vn pedāt à Minerue.

Il faut donques aller en Nauarre, MON PRINCE, puis-que l'occasion vous y conuie, s'es destins, & les oracles reuelez en Seuille, vous y appellent ceste annee. C'est la terre de vos majeurs. De là Ferdinand dechassa Iean d'Albret qui n'auoit voulu donner chemin à ses iniques passions. Mais apres ceste conqueste, puis-que, *Le droit des Princes n'est point hommager du temps.* Le nom de France oblige vostre espee, à vn plus haut dessein, il faut

auoir cest ancien Royaume d'Asie, que
 la Grece coniuree, pour le rap de son
 Helen, osta iadis au vieil Priam ayeul
 de nostre Francus, c'est-là, que faut
 porter nos enseignes: C'est là que nous
 deuons pousser la pointe de nos con-
 questes: C'est le siege de nos deuāciers,
 & ô nostre indiscrete patience, com-
 me si nous estions impassibles en no-
 stre perte, nous laissons tomber par
 negligence nostre heritage en pres-
 cription de plusieurs siecles. Les cau-
 ses sont specieuses, la proye est gran-
 de, la matiere excellente, pour don-
 ner vne riche forme à vos finances.
 Cen'est point vne petite Isle, ou vne
 terre de vingt lieues de rond. C'est
 la troisieme partie de la terre, la
 sœur puisnee de nostre Europe, le
 mesme pays dont Antiochus ce grand
 Roy fust bien aise apres sa defaite
 d'estre gratifié d'une petite portion,
 au delà du mont Taurus. C'est ce
 pays qui a nourry dix ans vne armee
 Grecque, où Agesilaus estant enuoyé
 contre le grand Roy des Perses, se
 reputoit plus tenu à Lyfander de luy

auoir fait deleguer ceste commission
 que de l'auoir fait installer à la Royau-
 té, contre les brigues de Leotychides:
 C'est la butte de toutes les anciennes
 croisades où tant d'ames Chrestiennes,
 ont prodigué leur sang contre les in-
 fidelles. C'est la belle carrière comme
 disoit Pyrrhus de la Sicile où nos pe-
 res ont cent fois affronté les armées
 Sarrazines.

Et pourquoy n'yriens nous pas,
 puis-que on nous appelle au Royau-
 me de nos majeurs : C'est-là le tour-
 noy, où cōme desiroit Alexandre vous
 iousterez avec des Roys, non pour v-
 ne couronné d'oliuier, cōme aux ieux
 Olympiques, mais pour la Seigneurie
 de toute l'Asie: non pour vne bicoque,
 mais pour les plus riches, & marchā-
 des villes de tout l'vniuers.

Cyrus le ieune mettoit en débau-
 ches la plus grand part des subiects
 de son frere Artaxerxes, le throsne,
 & les richesses d'Asie estoient les sou-
 flets de son ambition. Voyez ces pro-
 messes, MON PRINCE, Il man-
 dioit le secours des Lacedemoniens

pour les faire entrer en ligue avecques
 luy : Mais que promet-il, pesons la li-
 beralité. *Ceux qui viendront à pied auront
 des cheuaux, qui viendra à cheual aura vn
 chariot, ie donneray des villages, à ceux qui
 auront des metairies, & des villes, à ceux
 qui auront des villages.* Fertile prouince,
 qui as iadis enrichi de sumptuositez,
 & magnificences le champestre seiour
 des braues Romains: Qui asourny
 de glaiues à Antiochus, apres que A-
 lexandre t'eust moissonné pour laquel-
 le Rome a prodigué vn million d'ar-
 mes en quarante ans qu'elle a debatu
 de la souueraineté avec Mithridates:
 C'est ceste Asie, dont les habitans, cō-
 me disoit vn ancien Capitaine, pour
 hommes libres ne valoyent rien mais
 qu'ils estoient bons esclaves.

Dauantage, MON BRAVE ROY,
 comme vous estes descendu de saint
 Louys, & par droite ligne du Sang de
 cest ancien Francus, qui a tenu la Fran-
 conie plusieurs siecles deuant le de-
 part de Pharamond; ne serez vous
 point touché de pitié, quand on vous
 racontera qu'un Achilles plus cruel,

que les durs rochers de sa mere a trainé vostre deuancier Hector? Et quoy ce bon vieillard Priam qu'un Barbare Pyrrhus égorgea pres des autels de ses dieux, ne vous fera-il point grossir le fiel? Pourrez-vous tenir un ruisseau de larmes entre les torrents de sang de tant de guerriers? N'yrez-vous point, comme un Jupiter de tourbillons entouré d'un bataillon herissé de picques, faire sentir à la Grece une pareille desolation, & retirer des mains Barbares vostre patrimoine? Les Dames ne vous voiront iamais salué d'un los trióphant, porter en vos enseignes victorieuses pour deuise d'une si belle conquête, *Vultus auos troia.*

Telles & semblables Chimeres de conseils seroient plus plausibles, & fauorables; fondéz sur la pieté, puis que vous auriez affaire avec un Barbare, & Infidelle, vous auriez affaire au grand Seigneur d'Asie, qui sous une iniuste tyrannie, esclaué la volonté des Chrestiens, qui sont en ses terres. Cela seroit dis-ie mieux approuué entre les Chrestiens, qui par une

guerre plus que inciuile, noyer vne autrefois du sang Chrestien nostre Occident, ioncher nos pleines de Cadauers, & obscurcir d'un nuage espois le bon-heur qui sembloit aborder nostre Eglise Occidentale. Si le voyage d'outre-mer fust sanglant à S. Loys. La conqueste de Millan, & du Royaume de Nauarre, par la prison de François I. semble auoir esté vn mal-encontr'eux Augure aux Roys à l'aduenir, de n'enfraindre ce qui est arresté au priué conseil de la Majesté diuine. Celuy qui voulust rebastir Iericho fust puny, & toutefois on ignore les causes des secrets mouuemens, de ceste terrible iustice, les plus curieux s'eschaudent en leur recherche, & tombent bien souuent en vn sens reprouué. C'est assez de croire, sans demander pourquoy.

Et quoy? MON PRINCE, si vostre bisayeul Iean d'Albret a esté depossédé, si Ferdinand Roy de Castille l'an 1513. a eniambé sus ses marches, à qui en raporterez vous la premiere cause qu'à cest esprit agis-

fant pour sa gloire , à cest individu
 Tout-puissant, qui d'un rié a basti ce-
 ste grande masse , qui en la mutinerie
 du premier Chaos, a donné quartier aux
 Elemens , pour s'en servir à son bon
 plaisir. C'est luy mesme ce bon Aeole,
 qui tient les vents en ses geolles , qui
 dispose des puissances celestes, qui tiét
 le fabuleux Trident de Neptune & le
 tymon des affaires humaines, en ce
 vaisseau balancé, sur vne mer de mise-
 res. C'est le sage œcônome de nos di-
 gnitez, le despensier de nos honneurs
 l'astre du flux, & reflux de nostre vie,
 qui n'a iamais laissé cognoistre ses se-
 crettes influances aux Mathematiciës.
 C'est luy qui donne les sceptres & dia-
 demes, qui fait eschine aux plus petits
 pour abbatre les plus grands quand
 il luy plaist. C'est luy, qui caresse no-
 stre vertu, & haist les vices, qui plon-
 ge les plus puissans dans le borbier
 des calamitez, & preste la main aux
 petits compagnons. C'est luy qui
 fist abismer Sodome & Gomorre dans
 les creuasses d'une terre polluë, qui
 fist consumer au feu des seditieux qui

debattoient la Prestriſe avec Aaron,
 qu'il auoit eſleu de ſa propre bouche.
 C'eſt luy , qui fit engoufrer Coré, &
 ſes compagnons , qui murmuroient
 contre la principauté de Moïſe , qui
 fit ſentir le coup fourré de ſon indi-
 gnation à Abſalon , qui querelloit la
 ſeigneurie de ſon pere. C'eſt luy, qui
 cōfina la curioſité d'un ambitieux Em-
 pedocles dans les fourneaux du mont
 Gibel, qui fit precipiter Ariſtote avec
 ſa confuſion dans l'Eurippe. C'eſt luy
 diſ-ie, qui ialoux de ſon honneur, cō-
 me il nous donne tout, veut auſſi, que
 nous recognoiſſions, que tout vient de
 luy , comme il preſte l'eſpaule à tous
 nos deſſeings , ne veut qu'un Roy in-
 gratement arrogant donne la gloire de
 ſes trophées à ſon bras. C'eſt ce grand
 peintre qui pour empéſcher , que Ti-
 mothée, ne s'eſleuaſt plus qu'il deuoit
 apres ſes victoires peignoît des villes,
 qui d'elles meſmes ſe prenoient dans
 vne naſſe, pendant qu'il dormoit. C'eſt
 luy meſme qui fiſt ſortir Epaminon
 dès le lendemain de la bataille Leu-
 ctique, tout ſale, morne, & penſif, de

peur que la ioye d'une si belle victoire ne le fit bouffir d'orgueil. C'est luy qui chastia la temerité de Elaminus au lac Trasimene qui presomptueux de ses forces, vouloit en son opiniastre resolution gourmander l'irreuocable destin. C'est luy, qui apres vous auoir osté le Septre de Nauarre en la personne de vostre bisayeul Iean, ayant fait espreuue de vostre patience, vous a mis ceste glorieuse & riche Couronne de France sus la teste. Je laisse à penser aux plus clairs voyans si vous auez perdu au change.

Quand on vous fait voir vn berger, Dauid, au milieu d'une houlette portant le sceptre Israélite, qui met non des troupeaux de brebis aux chāps, mais ces douze grandes lignees de Iuda, contre le Amorrheens & Philistins. Ou Agatocles Roy de la Sicille, seruy en vaisselle de terre, & d'argent à son disner, qui dict à la ieu nesse, ie faisois naguieres celle cy de terre, mais ma diligence, & ma vertu m'ont appris à en faire d'argent, ou bien Tamburlan, qui en ces der-

niers temps sorty d'une maison roturiere, & inconnüe, apres avoir cōquis le sceptre de l'Asie, met Baiazet en cage, pour luy aprendre à parler, que la Iustice de Dieu est admirable & qu'il s'est repëty trop tard d'auoir laissë son Royaume en proye de l'ennemy, tandis que trop ambitieux il baille eschec à la Hongrie, quand di-ie on vous fait voir le bon heur de ceux-cy, & le pitieux naufrage des autres, ne froncez vous point le sourcil d'horreur, au bruit de la Iustice de ce grand Dieu: qui fait tout pour le mieux qui despoüille Iob pour le reuestir demande l'vnique Isaac à son pere Abraham, pour faire multiplier sa semence, plus que le sable de la mer, ou les estoilles de l'vn, & l'autre pole, qui tire d'une mesme cause des effects cōtraites, fait iaillir des roches vne fontaine pour abreuer les alterez, & à la priere de son Prophete Elie embrase les holocaustes au milieu de l'eau.

C'est luy, MON PRINCE, qui pour l'aduancement de vostre bonheur, se riant des conseils des hom-

mes, a monté à la fin sus le theatre de
 nostre France desolée pour ioüier son
 personnage, & produire des effects biẽ
 esloignez de la pẽsee de vos ennemis.
 Car si les Estats de Blois assemblez en
 faueur de l'vnion (vrais des-vnion
 plustost de nos forces) apres la Bulle de
 Sixte, qui vous declaroit inhabille à la
 succession de la Couronne, vous ont
 contre la nature, & le droict des gens
 condamnez, & forclos de vos faits
 iustificatifs, si vos parlemens de Rouën
 & de Tholoze ne vous ont espargné,
 toutefois en vne nuit si sombre entre
 tant de bourrasques, & au milieu du
 desespoir, comme vn nouveau Arion,
 vous auez surgi à bon port: là les Ele-
 mens vous faisoient escorte, les An-
 ges vous seruoient d'estafiers & le ciel
 parrain de vostre fortune vous a cou-
 ronné de fleurs de Lys dans nostre Da-
 me de Chartres.

Miracles qu'il y ait des hommes en
 ce rond, qui viuent de Serpens, & ti-
 rent leur nourriture d'un funereux
 Aconite, & que la gloire de HENRY
 repüẽ des mets empoisonnez de l'en-

uie aye trouué sa naissance, & son ad-
 uantageux accroissement; dans vne
 menaçante vague, qui sert aux autres
 de tombeau. Ainsi la Palme se reuol-
 te contre le fardeau, qui la charge &
 ne pouuant plier sous vn victorieux
 se roidist en l'importunité de son en-
 nemy, & deuiant plus droite. Ainsi
 Antee deuenoit plus fort au toucher
 de la terre, semblable du tout à vous,
 MON PRINCE, sinõ qu'il a esté vaincu.

Pauvre Artaxerxes, le temps & le
 repos, après la defaite de Cyrus, auoient
 moissonné le plus beau de ton aage,
 tes Perses te craignent toutesfois, &
 adorent comme leur Mithra, & entre-
 tant de faueurs du Ciel, qui bien-heu-
 roient ton Empire, ton fils Darius, ô
 prodigue coniure ta mort. On te le
 dit, & tu ne le peux croire, son attētat,
 obligea ta iuste colere à vengeance, de
 peur que son impunité n'aiguist les
 cousteaux des autres, & tes vœux pour
 rendre graces à ton Dieu. Oroma-
 zes.

Vous, MON PRINCE, qui au plus
 beau de vostre aage (la souuenance

m'herisse les cheuaux en teste & fait
frissonner tout le corps:) si Iunon en-
uoya à Hercules vne Hidre pour le
deffaire au berceau: auez veu la Fran-
ce marastre de vostre bonne fortune,
n'espargner rien pour vous cōbattre,
la fille aisnée de vostre couronne, Pa-
ris aiguiser les cousteaux de Barriere,
vostre patrie alaiter le louueau qui la
deuoit deuorer. L'experience vous a
rendu maistre, & le supplice de ces sce-
lerats qui ont voulu rompre vne si
belle harmoirie, a emoussé le tranchāt
des dagues mutines. Que vous rest' il
plus aujourdhuy sinon que sans crain-
te d'un maistre importun | cōme Ale-
xandre vous n'espargniez point l'En-
cens, ny Cantiques, puis que vous estes
entré en vn si riche patrimoine, & que
après tant de secousses, & traueses
vous vous voyez au beau, après vne si
rude tempeste, vous voyez les vents
accoisez & nostre patrie en son calme:
aujourdhuy dis-ie que la sainte assi-
stance de Dieu, comme vne fidele re-
more attachée à nostre vaisseau, le tiēt
ferme contre la rage de tous les vents.

Ne vueillez donc, MON PRINCE, vous roidir cōtre les arrests d'en haut, soumenez vous que le reuers de ce grād Dieu est dangereux, & que les digues du torrent de son indignation rompuës, s'esclattent tousiours en vn deluge de miseres. Hé quoy ? où vous voudriez vous precipiter, si vous auez assez vescu pour vostre gloire, viuez pour vostre repos, & celuy de vos subiets. Gardez vous que la Philautie ne vous perde, cest vn agreable poison à ceux que l'ambition, & le monde ont enforcelez. Hé ! bon Dieu vous passez outre. Voyez donc MON BRAVE ROY, voyez l'image de vostre France, voyez sa passe Idée, voyez comme elle vous prie, & coniure le ciel, tesmoin de ses larmes. Quoy ces ruisseaux de pleurs, & ses sanglots redoublez, ne flechirōt-ils point l'opiniaistreté d'un cœur endurcy ? luy passeriez vous bien sur le ventre, disant avec vn ambitieux Cæsar *que le dé est ietté* ? Hā ie ne voulois pas dire qu'il a esté puny. Et bien dōc les montagnes vous feront large, comme à Xerces, comme Nicanor vous

partagerez le butin auant la victoire
 comme Amerimus, vous porterez les
 ceps pour ceux qui tomberont entre
 vos mains. Mais, quelle fin à tant de
 trauaux? Nostre sac ne sera-il iamais
 plein? faut-il que la seule mort nous
 soit inuisiblement profitable? n'au-
 rōs nous repos qu'au tombeau? vostre
 sacré front, que cent lauriers ont cent
 fois entouré, portera il tousiours ceste
 salade? ha pour Dieu delacez la cuiras-
 se! Hé! ne voyez vous point que vo-
 stre Daulphin, comme Astianax dans
 Homere, s'effraye des armes de son
 pere? voulez vous que ceux qui tien-
 nēt vostre vie plus chere qu'eux-mes-
 mes ayent trop veritablement craint,
 qu'inuincible aux autres vous vous
 perdriez vous mesme? Ainsi le Phœnix
 non plus vnique en son espece, que
 vous l'estes en vos rares perfections,
 ne pouuant receuoir le coup mortel
 d'vn autre, se dresse son buscher, & cō-
 sumé reuit en soy-mesme: Archida-
 mus se mocquant des Grecs, qui prefe-
 roient l'alliâce d'Antigonus, & Crate-
 rus. Macedoniēs à ses cōseils leur dist,

que le mouton iette tousiours vne mesme
 voix, mais que l'homme en change en diuerses
 sortes, iusques à tant qu'il soit paruenu au
 dessus de ses desseins. Quel Chameleon
 change plus souuent de couleurs, que
 la plupart des courtisans chāge de vi-
 sage, au premier obiet de vos passiōs?
 Si vous estes ioyeux, ce ne sont que fe-
 stes à la Cour. Si quelque nuage de tri-
 stesse s'espoissist sur vostre visage, il sē-
 ble de la Cour, que ce soit le Sabat des
 Iuifs. S'ils vous sentēt alteré de gloire,
 les Pyrenees ne sont plus fascheux à
 passer que les Alpe, à Annibal, & Ther-
 mophyles à Xerxes; il ne faut point
 craindre qu'un petit naim d'Espagne,
 vienne au deuant de vous, ou qu'il aye
 la force & le courage de vous querel-
 ler ce passage. Si vous parlez de Fonta-
 tabie, ou de Pampelune, ils diront cō-
 me un cētenier à Metellus, qu'en per-
 dant dix, ou douze hommes vous les
 emporterez, mais ie ne sçay si tels cō-
 sentiers voudroyēt estre du nombre. Si
 on leur reproche la prison de Fran-
 çois I. & la defaite de S. Laurent, ils
 diront avec les Numantins, que Sci-

pion auoit mis à val de route, que ce
 sont bien les mesmes moutons, mais
 qu'ils ont changé de berger, & que
 Chabrias disoit bien à propos, qu'une
 armee de cerfs conduite par vn Lion,
 estoit plus à craindre qu'une armee de
 lyons conduite par vn cerf, comme si
 le destin proiettant de faire naistre vn
 Gerion en Espagne auoit donné aux
 Gaules vn Hercules. Si on leur dit que
 vous n'osez, ny ne pouuez le vouloit,
 il ne s'estonneront pas moins qu'un
 voyageur qui a marché vn serpent à
 pied nud, où que Deianire dans So-
 phocles, apres qu'innocemmēt meur-
 triere elle eust fait mourir son mary,
 ce ne sont qu'exclamations, ils crient
 que c'est affaire à Callisthenes de gour-
 mander ainsi Alexandre, & qu'une tel-
 le impudence tire tousiours son au-
 theur en vne sanglante catastrophe. Si
 on vous excuse sur l'honnesteté, ils de-
 uiendront en Anaxarches, & vous re-
 monstreront que vous auez vaincu la
 Frâce, pour la seigneurier, nō pour ser-
 uir à vne opinon des hōmes, que vos
 subiects doiuent receuoir de vous les

loix, & les bornes de ce qui est iuste, & que les Poëtes ont donné à Iupiter Themis, c'est à dire, le droit & la Justice à ses costez, qui ne signifie autre chose sinon que tout ce que le Prince fait, est saint, droit, & iuste.

Flatteurs allez à Antigone vous n'aurez pas si tost dit, que toutes choses sont iustes & hōnestes aux Roys, qu'il vous confessera bien qu'ouy, mais aux Roys des Barbares, & que aux Chrestiens cela seulement est iuste, & hōneste, qui par nature l'est de soy-mesme. Si vous passez outre, & que vous l'appelliez fils du Soleil, il vous r'en-uoyera à sa selle persee. Si vous appelez Alexandre Dieu, il n'aura pas si tost receu vn coup de fleche en la cuisse, q̄ vous mōstrant sa playe en riāt il ne die, *C'est du vray sang & non de l'humeur telle Qui coule aux dieux de nature immortelle.*

Les Egyptiens fus le mois d'Aoust se frotoyent d'une certaine herbe, pour empescher la chachie tout le reste de l'annee. Mais le flatteur ferme les yeux, estoupe malicieusement ses oreilles, pour voir, ny ne ouyr les

maux où il veut precipiter son amy, & ressemblant la grene de Bete, qui ne pousse iamais au dehors tous ces tiges la premiere année, en produit la seconde, & la troisieme de nouveaux, il ne met iamais au descouuert tout son venin du premier coup, & sçait donner vne si mielleuse apparence à son fiel, que le faisant aualler à diuerses fois, il mine au dedans la partie iudicative, chasse la raison, ferme la porte aux bõs aduertissements & tiran de nostre ame seigneurie imperieusement, les passions luy prestent l'espaule, & nostre fragilité s'accõmode à sa domination, & certes il y auroit danger que ce mal ne prist pied, si le Dieu que iadis on adoroit à Delphes comme vn sage medecin, ne contrequarroit ces impiteux efforts par la cognoissance de nous-mesmes. Belle & excellẽte qualite, qui desillant la paupiere de nos vanitez nous fait voir que nous ne sommes que poussier ou balle d'vn rigoureux destin, qui fait trouuer la plainte de Theophraste vraye.

Ouurez les yeux MON PRINCE, &

voyez l'anatomie de l'Espagne, voyez
 di-je non vn estat malade, comme on
 vous le fait voir, mais accomply de
 toutes ses parties, les muscles releuez,
 la peau polie, & les membres seins, ou
 la gangrene de cōfusion n'a peu trou-
 uer de prise, le col Gerionique d'où
 sortent trois testes, qui par vne belle
 harmonie commande à l'Espagne, la
 Flādre, & la Sauoye. Les bras nerueux
 qui ont foïetté souuent l'Italien, &
 l'Anglois, les iambes de fer qui n'ont
 iamais failly, lors qu'en vn mesme
 temps François I. querelloit la Duché
 de Milan, le Turc battoit la Hongrie,
 & l'Anglois, comme disoit Auguste
 de Sexte Pompee, deuenue coursaire
 infectoit de ses brigandages l'Océan
 occidental. La besace si bien garnie au
 Peru, qu'on ne peut dire de l'Espagne
 ce que Quintus Flaminius disoit de
 Philopœmen, qu'il auoit des mains, &
 des pieds, mais qu'il n'auoit point de
 vêtre. L'Espagne qui a maintenu tou-
 te seule Sertorius contre
 toutes les forces du peuple Romain,
 & eut donné le foïet iusques dans les
 portes

portes de Rome à ce ieune Pompee, sans la vieille de Metellus, aussi bien qu'elle auoit fait suer le frond à ses Capitaines en la deux & troisieme guerre Punique. L'Espagne qui cōme disoit Ateas des Tartares porte des soldats, qui scauent bien combattre la faim, & la soif. L'Espagne la butte de l'enuieuse mesdisance des estrangers refugiez à la Cour. L'Espagne qui a si souuent meslé ses armes avec les nostres, que nous pourrions à la fin recevoir l'escolage, que nous auons meritē, cōme Antalcidas reprochoit à Agésilas griefuement blecé en vne rencontre des Thebains. L'Espagne qui depuis cent ans en çà a mangé vn autre monde, que la discorde ne fait iamais entrer en desbauche amie de nostre France, si l'auarice de nos Capitaines n'eust fait entre-heurter nos armes. Espagne la fille puisnee de l'Europe, le Catholique appuy de l'Eglise Occidentale, ou l'Inquisition sert d'aidote à l'atheisme & rebellion. Espagne qui apres la cōspiration d'Amboise promettoit à François II. dix mil hom-

mes de pied & trois mil cheuaux , & vouloit obliger la vie de son Prince Philippe, & de quarante mil hommes pour le faire obeir. L'or s'esprouue au feu , & l'amy se cognoist au besoin, ceux qui nous adorent quand nous auons le vent en poupe, ne seruēt que d'ombre tandis qu'un agreable rayon paroist en nostre Zenit.

Mais ce n'est pas auioud'huy , que telles gens s'offorcent d'abuser, & repaistre de bourdes l'ābition des Roys. Charles VI. ieune d'aage, & de conseil, à peine estoit liberé de la regence de son oncle le Duc d'Anjou , que au raport du Connestable qui luy auoit nombré les forces d'Angleterre il s'eschauffe au bruit d'une si riche cōqueste : l'apparence estoit belle , c'estoit contre l'ennemy commun du Royaume, la prison de son grand pere Iean en la iournee de Poictiers , attisoit le feu de sa vanité, les playes saignoyent encore en Guyenne , Gascogne, & Xainctonge, on fait leuee de bouclier, la noblesse aliene ses biens pour contribuer à vne si iuste guerre, le clergé,

& le tiers estat se met en deuoir pour financer, il n'y a pas vn qui ne vueille porter en ce Royaume les flambeaux que l'Anglois auoit allumé en la France, de tous les costez gés en besongne. Le port de l'Ecluse & de Blanguergue sont plains de maneuvres, qui trauail-
lent à la fabrique des vaisseaux; on ad-
iouste à la munition & necessité, la
magnificence, & la parade; les nauires
capitainesses, portent les poupes d'o-
rees; on attache sur trois grandes ga-
leres vne ville de bois pour loger ces
Argonautes; chacun part, non pour
combattre, mais pour butiner tant la
victoire leur sembloit asseuree. Mais
Dieu, qui dispose des propositions de
l'homme, apres le naufrage du Con-
nestable fit trouuer le calcul de cest
Arithmeticien menteur: car au lieu
de soixante mil Anglois iusques où il
estendoit la puissance de Richard, il
s'entrouua plus de six vingts mil sus
le port; & l'issuë nous monstra, que
bien souuent tels Conseillers ont em-
barqué nos Roys en de grands frais,
que la commune a essuyé, car vne si

grande flotte apres ce premier coup de Dieu s'estant sans rien faire esua-noüie comme vne fumee, tira presque le dernier hoquet aux bourses Françoises.

Cesar monstra bien à ceux d'Al-demburg qui se mocquoit des Romains, comme de gens de petite corpulence, que les forces du corps sont plus propres aux Elephans, & aux Lyons, qu'aux hōmes : mais bien que la vertu, seul heritage des vaillans, se fait iour aux plus espais escadrons, & plante l'escalade aux tours les plus inaccessibleles: car ayāt approché de leur ville vne grande machine avec vne incroyable viftesse, ils traitterent d'accord confessans que les Romains ne faisoient point la guerre, *sine nomine diuinum*. Aussi trouuera l'on bonne la réponse du ieune Agis, qui oyant discourir Demades reprochāt aux Spartiates que leurs espees estoient si courtes, que les bateleurs les aualloient, luy dit, qu'ils en asseuroient pourtant bien leurs ennemis.

Mais tels Charlatans qui sont si bien

appris *in mensa pingore castra mero*, n'ont
 iamais ouy en vne ample son de la trō-
 pette, ou s'ils ont veu vne bataille c'est
 en peinture, ou comme le soldat de
 Plaute ont force brauades entre des
 coyons: mis surpris en quelque bonne
 affaire, vrais callerōs de courage, n'ont
 iamais assez de prieres pour n'entrer
 point en la cōfrairie d'Atys, & flōiets
 de valeur, nous conseillans de faire la
 guerre à l'enemy par terre, & par mer,
 attendant de nous la mesme responce
 que Pausanias fist à vn pareil homme
 qu'eux. Ils abusent du nom de Catho-
 lique en leur imposture, & emprun-
 tent le nom de Menippe, ou des autres
 Cyniques & faux chiens, en la garde
 du temple de mil Vulcaniques, & en-
 soufrees conceptions, laissant esculer
 le larron, abayent l'innocence de ceux
 qu'ils ne peuent mordre, & pour
 faire la nique à Memnon Capitaine
 Grec, qui chastiant vn soldat mesdi-
 fant luy remonstra qu'il le soudoioit
 pour combattre, & non pour iniurier,
 publie des libelles diffamatoires con-
 tre la Majesté Catholique, *Soldat isant*

Et censure ceux qui defendent nostre liberté, & sans espargner la saincteté, & les Iesuites deterrent les morts, & les produisans en vne si piteuse transenne, leur veulent faire porter la marotte des plus dereglées passions qui ayent ioué leur personnage sur nostre eschauffaut, & pour faire d'une pierre deux coups s'excusans des mutineries passées, ils chargēt de plusieurs enormes crimes les Princes estrangers, & tout leur impunité.

L'hydropique ne peut estre desalteré, & l'auare soif de l'homme n'est iamais rassasiée. Ils passeront outre, **MON PRINCE**, il n'y a que tenir, les thresors d'Espagne ne sont suffisans pour les cōtenter. Il faudra vous mettre encor en desbauche avec quelque autre Prince, *tout vous sera permis puis que vous estes Roy*: L'Angleterre sera vn beau leurre pour apaster vostre grandeur. L'ambition est vne eschelle: & quand vous serez haussé de ses deux degrez, pourquoy n'aurez vous pas l'Escoffe? Le Dannemarch n'est-il pas à vous? Nous contraindrons bien

Neptune, comme Xerxes au destroit
 del'Helespōt de vous prester passage.
 Et plus vous monterez, accroissant
 vostre grandeur, plus vous trouuerez
 vous en vn infiny cōme ce bauart d'A-
 lexādre, qui pleuroit apres que Demo-
 crité luy eust dit qu'il y auoit plusieurs
 autres mōdes: En fin ce sera l'eschelle
 de Iacob; quād vous aurez conquis la
 terre, le ciel restera seul à vos trophées.

Indomptable auarice, ignorante,
 qui n'as iamais appris à decliner Craf-
 sus, ne s'est repenty que trop tard, de
 t'auoir courtiſé. Que tu ſçais finemēt
 leurrer nos ames cupides, & palliant
 la perte de plusieurs te mocquer de
 l'austere grauité de Curius, ou Fabri-
 cius. Que tu ſçais proprement com-
 me diſoit Parisatis mere d'Artaxer-
 xes vſer de paroles de ſoye quand tu
 parles à vn Roy. Que puiſſe-tu avec
 tāt d'autres maux, qui n'ont que trop
 esbranlé nostre eſtat en ſes fondemens
 fondre au manoir obſcur; & là avec
 Tantale eſpargner en ta faim les pom-
 mes qui te battent le nez; & alteree
 n'oſer toucher à l'eau, qui te baigne le
 menton.

Mais encor ce qui nous fasche plus, c'est que tels gens veulent sembler populaires, & pour comble de nostre indignation pensent obliger le populas d'honorer leur memoire, comme si safraniers, endettez, scelerats, criminels & autres gens de mesme farine, faisoient vn corps de peuple. Ils demanderoient librement des statuës s'ils n'auoient appris, que les Babylonniens n'estoient grandemēt tenus à Xerxes, qui leur ayant defendu l'exercice des arts liberaux, leur permit de dancer, paillarder, tauerner, porter des sayes à plein fond.

Qu'ont fait les flatteurs ? Ils ont veu que le conseil des sages a fait creuer sus les nez la plus part des apostemens sanglantes, qu'ils auoient faict naistre au cœur de la France, ils se sont pris en leur pieges, & voyans que la malediction de la commune ruynee creuassoit dessus eux, enuieux du bon-heur de ceux qui estoient à l'abry des calomnies, ils prennent en main l'attētat de Barriere, & de Chastel, les destordent, & comme du bro-

dequin de Theramenes, qui seruoit à l'un, & à l'autre pied, tantost en chargeant les Iesuites, & tantost l'Espagnol. Il n'y a eu trouble en nostre estat depuis l'an 1574. qu'ils n'en dient les Iesuites auteurs. Si la ligue s'est assemblée à Nancy, les Iesuites y ont presidé. Si le populas de Paris, qui n'a iamais rien valu qu'à brouiller dās nos troubles a crié des barricades, lors que sous Henry III. le Mareschal de Birron faisoit entrer les gardes Suisses, & Françoises des faux-bougs en la ville, les Iesuites auoient embabouyné la cōmune de la crainte de pillage. Ces mesdisans bailleroient librement le nom de Iesuites aux Seize, si l'histoire aussi veritable qu'ils sont imposteurs, ne nous eust corté le nom, & la qualité des Carteniers. Si on parle de ceux qui ont fait battre la monnoye au coin de Charles X. les Iesuites n'y auront pas tenu le dernier rang. Bref nos guerres ciuiles n'ont rien esclos, que la compagnie des Iesuites n'ait long temps auparauant couué. Et toutes telles impostures à dessein, à fin.

que l'accessoire se destruisse luy-mesme en la ruyne du principal, & que la ieunesse Françoisse frustrée d'une si belle erudition aheurtee cy apres aux escueils d'ignorance s'aveugle dans le captieux d'adale de leurs cōseils. qu'il ne peuent esclorre qu'en l'infame exil de nostre liberté.

Tant que Caton sera à Rome les mines de Cæsar, Pompee, & Crassus, esluentees au Senat, ne peuent faire voler les esclats d'une ouuerte tyrannie, & pource qu'ils ne peuent apaiser, ny faire aualler l'hameçon de leurs fraudes à ceste sacré sainte compagnie, ils les veulent releguer non en Cypre, sous une honneste commission de vendre les biens de Ptolomee: mais en l'Espagne, & autres Royaux voisins pour faire voir aux estrangers que les François, qui commencent à mespriser les sciences, frayent le chemin à leur mal-heur.

Et pour couronner d'un piteux épilogue ceste persuasue, veulent que refractaires du droict de nature, nous allions remuer les bornes, que Dieu

mesme a planté à ces deux estats: mais grand Dieu: si ceux reculoient vne pierre, ou vn bois, que l'ancienneté dedioit à son Dieu Terminus, encourroient vne griefue peine, i'ay peur que trop auarement passant les Pyrenees nous ne nous acueillons la malediction du Ciel courroucé iustement contre nous, & attisant sa vengeance, nous ne recenions en fin le guerdon d'un si audacieux attentat.

O MON PRINCE, que ce grand Dieu est ialoux de son hōneur, Israël ne s'est pas si tost fait en l'absence de son Capitaine Moysse, la teste d'Apis que les Aegyptiens adorent que la plus-part estant passée au fil de l'espee, le reste priué de la terre promise passe quarâte ans aux deserts de Syrie. Dauid a-il commis adultere, Nathan luy annonce la vengeance d'en-haut, il faut que son fils meure, & ô rigueur du ciel on le met aux choix de la guerre, la peste & la famine. Mais lequel prendrons nous des deux derniers, apres que volontairement nous nous serons embarquez en ceste guerre.

Pauvre France si tu ſçauois combien les ſept vaches graſſes trauaillèrent à nourrir les ſept maigres en Aegypte, tu craindrois le ſupplice d'Ereſichtō, meſme n'ayant point de Ioseph. Si tu auois veu en vn tableau Aeacus coniuurer le ciel de repeupler ſes villes, & que metempſuchosé en ſa douleur, tu euſſes fait eſpreuue d'vne pareille affliction, tu craindrois l'infection de l'air, puis meſmement, que tu ne pourrois enuoyer querir vn ſerpent à Epidaure, comme les Romains: Mais que m'amuse-je à te repreſenter les deſaſtres que portent ces deux fleaux. Ha! tu ne le ſçais que trop bien, la peſte, & la famine ſont touſiours à ta porte, & comme ſi tu voulois renouveler ceſte vieille mutinerie des membres contre le ventre. Enuieux du peu d'heur qui te reſte, tu prouoques le ciel, qui veut pleuuoir ſes richesses ſus toy à te chaſtier de famine. Or que n'as-tu veu ces dernières guerres, qui eſt celui, qui n'a fait litiere de l'humanité, tes femmes, & filles forcees, tes palais mis à la mercy des

flammes gourmandes, le laboureur pille l'Agriculture deserte, & autre pareille desolation eussent esté tolerables, si l'insolence Soldatesque n'eust banny la pieté du camp, & s'attachant à Dieu, n'eust laissé vn triste monumēt de nostre atheisme à la posterité.

Que te feray-je souuenir, que Commeronde avec son regiment arriué au bourg d'Arquenay pillâ vne Eglise dorée, & enrichie par les Seigneurs de Rambouillet, & qu'un de ses soldats, ô sacrilege, ayant trouué dans le Ciboire, dix-huit, ou vingt Hosties, s'estant reuestu des habits Sacerdotaux fit communier six ou sept de ses compagnons & luy mesme en ayant deuoré deux ou trois, pire qu'un cruel Canibale, foula le reste aux pieds.

Et le Ciel void parauenture encore l'auteur d'un tel meffait. O grand Dieu que tu es paresseux à punir. Non sans cause Homere parlant de ta vengeance luy a donné des pieds de laine.

Veux-tu voir les guerres estrange-res, MA PATRIE, pour voir si tes voisins en ont eu meilleur marché que

toy. Charles V. couuoit sous les vieil-
 les cendres de son indignation ie ne
 sçay quelle rancune, contre le siege A-
 postolic, & bien que le respect du lieu
 deust attiedir ceste fureur, si est-ce que
 apres la iournee de Paue, bouffi du
 succez glorieux de ses victoires, il as-
 siege Rome, & l'ayant emportee d'as-
 saut rien ne se peust exempter del'in-
 solence du Soldat. En ce premier feu
 le vainqueur n'espargne aage ny se-
 xe, de toutes parts on inuestit les E-
 glises où s'estoient retirez quelques
 soldats Italiens, on les force, & les
 emportent, & ce courroux refroidi se
 tourna en vne rage brutale, les Non-
 nains, & Dames Romaines sont vio-
 lees, & seruent de iouët aux victorieux,
 les calices emportez & fondus, les or-
 nemens Ecclesiastiques prophanez en
 l'vsage du vainqueur. Le Pape est forcé
 au chasteau saint Ange. On exige de
 luy vne grosse rançon, on prend les
 plus fameux Cardinaux pour ostages
 d'un marché si indigne, dont ce
 barbare Pyrrhus se mocqueroit au-
 iourd'huy, qui disoit dans Ennius,

lors qu'on luy presentoit la rançon
des soldats prisonniers , *qu'il ne faisoit
point la guerre pour vn sale trafiq comme
les tauerriers sur leurs denrees.*

Voudriez-vous voir encore pleurer
les vefues, les orphelins gemir, les bon
nes maisons mises au safran, le labou
reur qui commence à se releuer abba
tu d'une seconde cheute , les pleines
infructueuses , suyuant la malediction
du premier siecle heriffer de chardons
& d'espines, les maisons fumer de tou
tes parts , les villages abandonnez,
l'horreur de la mort peinte au visage
du payfan.

Hà! MON PRINCE, qu'on fait
grand cas de ce Spartiate Agis , qui
pour destruire l'auarice que les ora
cles de Pasipae disoit deuoir estre la
peste de son pays, mist sa plantureuse
cheuance en commun , & prefera le
repos de sa ville à son propre interest.
Et pleust à Dieu qu'il fust aussi aisé
d'eschauffer les Princes au feu de son
imitation , comme de louer son œu
re charitable. Je ne t'oublierois pas
Aristides qui n'as point craint de gau-

chir au deuoir d'un homme de bien
& donner vn mauuais crayon à ta re-
nommee pour la republique d'Athe-
nes, où ce braue Genitius Gippus, qui
de peur de troubler la liberté de sa pa-
trie se fist passer par la rigueur d'un per-
petuel exil, lors que les destins l'appel-
loyent au sceptre Romain.

Charitables pelicans qui prodigez
vostre sang pour le salut des autres.
Zopyres courageux qui estropiez vo-
stre ambition, pour faire entrer les vo-
stres en vne Babylone de plaisirs. Ge-
neroux Philenes, qui enfoüissez vostre
auarice pour laisser à vos concitoyens
les coudes franches en leur repos, que
puissiez-vous empreints en l'ame de
la cour, faire paroistre en nostre vani-
té, que peu estreint qui trop embras-
se, & que les Royaumes d'aujourd'huy
ne se prennent plus sans mitaines, que
ils s'achèptent au prix du sang: Et que
il ne faut pas beaucoup de victoires
Cadmees, comme disoit Pyrrhus vain-
queur, pour affoiblir vn grand Estat.
Que les tortuës qui estendent la teste
hors de leur coquille se mettent en

danger, comme representoit Flaminus aux Acheiens que les Atheniens ont pleuré la defaillie de leur armee en Sicile, pendant que Siracuse se baigne en sa feste Asinarie honteux monumēt de l'audacieuse entreprise de Nicias. Qu'il n'est pas tousiours bon comme disoit ce tyran de la Sicile Dyonisius, & apres luy Amyntas, de n'auoir autre tombeau que les mazures d'un Empire. Que les Philosophes anciens soustenoyent à propos qu'il n'y auoit rien de iuste sans honnesteté, & que s'il est iuste de retirer son patrimoine, il n'est pas honneste contre sa foy.

Ce grand Scipion disoit qu'il aimoit mieux la vie d'un Romain, que la mort de cent ennemis. Et vous MON PRINCE, apres que la France bandee pour vous contre la France, s'est opposée à l'iniuste vsurpation de vos aduersaires, & que le sang de ses plus seditioneux nourrissons a seruy de ciment à vostre repos, voudriez vous pour un petit Royaume, prodiguer la vie de ceux, qui n'ont iamais suiuy que vostre fortune. Hà ! Darius s'est cent

fois repenty d'auoir emporté Babylo-
ne voyans Zopyre mutilé.

Et d'autant plus librement deuez
vous faire rebourjonner en nous les
deux fruits d'une si sainte alliāce, que
Pericles proche de payer le tribut à la
nature, disoit qu'il mourroit contant,
puis que à son occasion iamais Athe-
nien n'auoit porté robe de dueil. D'au-
tant plus librement dis-ie deuez vous
demeurer en repos que vous auez iu-
ré de ne faire la guerre qu'à ceux, qui
ne voudroient point la paix, & que
cest vn beau rafraichissoier apres ce
martial orage, qui a moissonné le plus
beau de nos ans, c'est vn bel exercice
apres tant de trauaux. Ce n'est pas ou
vous serez à bras croisez idolatre d'une
pareilleuse oyfueté, non, nous ne
voulons point que contre le precepte
de ce sage vieillard, que l'Isle de Sa-
mos a esleué, vous vous séez sus le pi-
cotin. Vous ne fustes iamais moins
oyseux qu'en ceste oyfueté. Si on doit
appeller oyfueté tenir les resnes du
gouuernement de ce grand Royaume,

policer à force de loix l'insolence barbare de plusieurs taureaux échapez, priuilegier les bons, & faire passer les mauuais par la rigueur du supplice.

Auguste Cæsar entendant comme Alexandre le grand en l'aage de trente & deux ans ayant fait la pluspart de ses conquestes, estoit en peine de sçauoir, qu'il feroit plus deormais, dit qu'il s'esbahissoit s'il estimoit, qu'il y eust moins d'affaire à regir, & ordonner vn grand Empire quand il est tout acquis, qu'à le conquerir. Et de vray faire aliance avec les Parthes, retirer les enseignes, qu'ils auoient gaignees sur Crassus, faire suyure à la piste vn brigand Crocotas, se garder des embusches de Gallus, se munir tellement en paix, qu'on soit tousiours prest pour la guerre, n'estoit-ce pas passe-temps dignes du repos d'un Prince.

Dauantage puisque comme dans Isocrates Archidamus remōstroit aux Spartiates, les bien-heureux courtiscent la paix en leurs prosperitez, & les mal-heureux aux Simptomes des

secouffes de la fortune reuerfes, cher-
chent le iour Climateric de leurs de-
ftinees dans les confusions ciuiles.
Quel defefpoir vous feront teste baif-
fee courir aux hazards? Quel prefom-
tion vous feroit entrer en vne guerre
fans auoir d'ennemis.

Laiſſons ces fougues à ce monſtre
de l'Empire Romain Caligula, qui ay-
ant rangé en bataille ſon armee ſus la
greue de la mer, remporta vn Triom-
phe chimerique de celui, que ſon ay-
eul Auguſte auoit fait oſter de la liſte
des Dieux, en la pompe des ieux Cir-
cenſes, & pour toutes deſpouilles ne
peuſt dreſſer le trophée deſeſvanitez, q̃
de coquilles, & d'eſcailles pillées au
bord de l'Océan. Mais quelle gene-
reuſe enuienous y pouſſe? parauant
pour effacer noſtre infamie? oſerois
ie bien dire le reproche d'vne paix
honteuſe? O dieu! c'eſt ſacrilege croi-
re que la valeur d'vn Prince puiſſant
aye eſté miſe au roüet. C'eſt ſacrilege,
& ô corruption de noſtre ſiecle! on
publie des libelles difamatoires con-
tre ceſte paix, & le vice eſtant venu à

son periode, on fait gloire de nous voler nostre repos: encore si se trouue quelqu'un moins passionné, qui laisse allentir à la raison les aigreurs d'un triste souuenir, ces canailles, comme s'il estoit impassible en nos communes miseres censurent sa pieuse resolution & de Soldats deuenus censeurs, breschent des traits d'une maligne plume la renommee de ceux, que leur espee n'a peu toucher.

Mais il faut, ou que cest accord fait à Veruins & Iuré à Paris, soit semblable ou à la premiere paix des Romains avec les Carthaginois, qui n'estoit proprement, que ligue offensive & defensiue. Ou à celle, que Moagetes Roy de Pisie fit avec Gn. Manlius, en luy payant cent talents, & vingt mille boisseaux de froment. Ou que vaincus par la necessité nous ayons fait vne paix aussi des-auantageuse, que les Romains au destroit de Caudine.

Mommelian emporte, les aduantages sur le Duc de Sauoye, la paix recherchee par les ennemis, l'heu-

reux succez des glorieux triumphes de HENRY, nous exempte du second & dernier genre de paix. La seigneurie de Bresse, Bangé Veronei, la citadelle de Bourg, la Baronnie de Gets, la tour du Pont, & autres terre du Dauphiné, que le Duc de Sauoye nous a renduës, bannissent vne rougissante honte du visage de nostre paix, & montrent que nous auons tousiours barre sus eux, que ce seroit obscurcir nostre gloire d'attaquer celuy qui s'est mis à nostre mercy; & donner à penser aux estrangers, que si nous auons fait la paix c'estoit par necessité.

Les Astrologues tiennent, que les astres plus ils sont hauts, plus leur course est tardifue, & sont portez lentement par ses mouuemens celestes. Et vous MON PRINCE, qui estes au Septentrion de vostre bon heur, au Solstice de toute felicité humaine, laisseriez vous precipiter l'Ours de vostre valeur en vne mer de sang? Hé! pour Dieu vivez en paix, le Ciel le commande, le temps nous y conuie, vos subiets vous coniuient, vostre aage vous

exempte de fatigues. Vostre Dauphin vous y oblige, vostre Estat, & vos affaires le requierēt, c'est vn faire le faut.

Hé! pensez vous que lon doute pour cela de vostre courage, puis melme, que ces braues Romains licenciroyent leurs Soldats en l'aage de quarante & cinq ans non, nous ne disons pas que vous en manquiez, mais nous craignons, que vous n'en ayez trop.

Eriphyle pour vn carcan perdit son Amphiaraus, & le descouurit à ceux qui le menoyent à vne mort certaine. Mais vostre France sus le hazard commun des armes, veut conseruer vostre sacré chef, ny les tresors d'Espagne, ny les mines du Peru ne la peuuent mettre en desbauche, elle ne peut viure sans son HENRY, comme vous auez monstre, que vous ne pouuiez viure en sa captiuité. Mars est trop douteux, c'est ce qu'elle craint. La fortune abandonna Pompee au besoin lors qu'il pensoit donner le dernier crayon à sa felicité, ores qu'on ne vous pourroit emporter de force. Lyfander cousoit finement la peau du Renard, où

celle du Lyon ne pouuoit atteindre.

L'ame donne mouuement à tous les membres, & son regretté depart glace leur chaleur & rend immobiles, la France blesmit à ce triste souuenir, quand vous parlez de faire Eclipser nostre visage au delà des monts. Ce grand corps apprehende la fuite de vous, qui estes son ame, est-ce merueille? Et si vous ne deüiez reuiure en vos cendres, le ciel est tesmoin combien il auroit veu d'Alcestez.

Le Castor pourfuiuy s'arrache trop laschement sa virilité, vostre France harassée, comme elle sçait que l'on n'e veut qu'à vous, qui estes son cœur, aussi se roidit elle plus opiniastrément pour vostre defenle. Hé! pourquoy refuseriez vous ce pieux office, où il y va de l'intereft de tout ce corps.

Preferiez, MON PRINCE, le bien du public à vostre particulier, espar-
gnez vostre verte vieillesse, desrobez à la future Couronne de vostre Dauphin vn autre fiele, reposez vous entre les bras de vostre chere moitié, & voleur de ses graces, pillez sus ceste
bouche

bouche royale mil, & mil baisers;
 Chassez, & trouuez en ce bel exercice
 la delitieuse sauce des Roys des Per-
 ses, que le Lyon, l'Ours & le Sanglier
 vous facent hommage à ce change-
 ment de saison, que le Cerf talonné
 d'une importune meutte donne mil
 passetemps à vostre grandeur.

Bastissez, & qui vous en empesche,
 laissez les Barbares de Scythie sans
 soucy de Palais dans des chariots, lais-
 sez les caüernes, & les Rocs aux pyg-
 mées, & vn sale tonneau à ce chien de
 Diogenes; Vous, comme vous estes
 excellent en toutes vos œuvres, esle-
 uez des louures des Sainct Germain
 en Laye, & des Fontainebleau. Que
 l'art gourmande la nature. Que le
 marbre, le iaspe, & le porphyre, don-
 nent esclat à vostre sumptuosité.

Et quoy, si vne courtilante, s'est im-
 mortalisée bastissant vne des Pyrami-
 des. Si on parle de Semiramis pour
 auoir dressé les murailles de Babylo-
 ne. D'Auguste, qui a enrichy la bri-
 que de l'ancien Romule. Que diront
 vn iour nos neueux, lors que vos suc-

cesseurs seront honorablement logez,
siuon que HENRY quatriesme, qui a
fait fner le front d'Orphee a laissé ces
monuments de sa liberalité.

Bastissez & quoy? non vne maison
Timomiene, comme Anthoine vain-
cu au port d'Actium, mais vn temple
à Dieu, puis que le ciel auteur de vos
conseils ne peust attendre vostre Salo-
mon, & afin que nous recognoissons
en vostre pieté, que nous sômes vray-
ement en paix, restaurez les Eglises,
que l'iniure des troubles, a demoly,
ayez pitie de vos Academies & colle-
ges ruinez, honteux mouuement de
nostre insuffisance.

Bastissez, & comment? non, com-
me les Israélites leur Hierusalem soubs
Esdras. Non, comme Romule sa Ro-
me, ou les Atheniens leur Pyree, lors
que deliurez de la tyrannie des trente,
ils rebastissoient leurs murailles aba-
tuës par les Lacedemoniens, ou com-
me les Soldats Romains dressoient
leur rempart le pic en la main, & l'es-
pee au costé: Mais paisible, comme
Salomon le temple de Sion: Pour vo-

stre plaisir comme les Romains leurs
Amphiteatres, pour vostre gloire, cō-
me les Roys d'Egypte leurs Pyramides
pour vostre commodité, comme les
Cæsars Bayes. Et qui en crierà se lou-
uienne que mon faulcon a tousiours
vn benefice vaquant pour tels arro-
gans que luy.

Que vous diray-ie dauantage, MON
BRAVE ROY, auourd'huy que vo-
stre vouloir fraternise avec vostre
pouuoir. Si feray & en vn mot.

*Tu regere imperio populos HENRICE
memento parrere subiectis & debellare su-
perbos hæ tibi sint artes pacis quæ impo-
nere legem*

F I N.

